

PL
1420
F35
1666.
v. 4

通雅卷之三

桐山方以智密之輯著

同里姚文燮經三較訂

釋詁

綴集

爾雅分釋詁釋言釋訓始以一言釋一言前人已悉矣
無所事曳踵也今合三者爲一凡屬文所常用而歷代
忽略之者爲折衷其音義云爾事起於綴集故先類之
敢以比輯略乎詩文諸體則別有論敘此不悉也可與
書札金石文
字條通閱

執禮乃執禮也○論語詩書執禮傳者云禮獨言執者以人所
執守而言似費分疏陸文裕公曰卽執字執藝古通用所謂游
於藝也執禮之文無再見況子不語怪力亂神與此章互相發

各是四者。古稱六經亦謂之六藝。此之雅言。或是詩書禮樂耳。蓋易具性命。子所罕言。樂一執也。故又曰成於樂。智按說文。執。種也。從耋。尹引詩曰。我執黍稷。兪祭切。王子侯表。宛胸侯執。師古曰。執音藝。魯公倣右軍東方朔碑。改作藝。以此益確。文裕之言。敬甫作執。注疏本作子所雅言。詩書執禮。皆雅音也。注孔鄭曰。讀先王典法。必正言其音。其義乃全。不可有所避諱。揭衷熙曰。記者蓋謂詩書執禮。皆雅常之言。故夫子亦雅常言之。

固實卽故實。固籍卽故籍。或曰故志。或曰故事。○楚語莊王使士亹傳太子歲。問於申叔時。曰。敎之故志。周語樊穆仲曰。魯侯賊事行刑。必問於遺訓。而咨於故實。史世家作固實。趙牛贊諫。

曰國有固籍。兵有常經。晉士伯曰。吾視諸故府。檀弓曰。夫魯有初。注初。謂故事也。魏相傳甚稱上意。好觀漢故事。及便宜章奏。晁錯傳爲太常掌故。應邵曰。主故事。侯霸張純郭賀。皆以曉習故事稱。野同錄曰。用虛于實。卽事顯理。此治心之薪火也。感而遂通天下之故。子輿曰。苟求其故。此故之原。

雅故。雅言訓故也。爾雅者。藏遠于邇。而以深厚訓之也。○孟堅敘傳曰。函雅故。通古今。張晏曰。包含雅訓之故也。管子曰。聖人博聞多見。蓄道以待物。知其故。乃不惑。心必函外以爲內。本通而兩忘也。申公爲魯故。韓嬰爲韓故。皆訓故也。通作詁。爾雅第一篇曰。釋詁。爾邇也。雅正也。常也。子思所謂訓詞深厚也。薰化

其燥而遠鄙倍也。史遷首提雅馴。知言哉。鄺氏曰。雅者。會易宜一之音也。故者。古文也。烏雅通轉。而一與五之通聲。可知其原矣。詩說大小正。卽雅正也。戴周魏吳。故从古文。說文从攴。故使爲也。古久不已。複乎。詛楚文。久湫。卽古湫。或合久古以成篆。隸从古文。許氏增故耳。說文古。故也。徐曰。十口所傳。是前言也。則古已函詁義。而故乃故灾也。灾卽舊字。在今連用。可用訓故。單用則爾雅之詁正矣。凡夫且以叶爲古。智按叶从日作叶。見漢五行志。省作叶耳。𣪠古文古字。朱氏以爲鼓象建鼓之形。加古諧聲。按𣪠卽固。

離經者。丽經而時習也。離辭者。學文而摘詞也。句度者。句嘖也。

倍文者。背書也。通而聲之曰誦。睦于物而熟之曰讀。日月爲易。四時和于春秋。礼本大一。而麗器曰禮。象樂在箎曰樂。持志曰詩。筆著曰書。○學記離經辯句。謂麗于六經。使時習之。先辯其句讀也。徐邈音豆。馬融賊察度于句投。丁度作句嘖。皇甫茂正云。讀書未知句度。下視服杜。度卽讀。所謂句心也。大司樂注曰。興于詩者。以善物喻善事。道以書者。言古以剴今也。倍文曰諷。以聲節之曰誦。發端曰言。答述曰語。疏曰倍文者。謂不開讀之。誦亦背文。又加吟咏。如文王世子春誦。智按倍背古通。柴氏曰。誦從通省。禱古睦字。賣音育。聲通于誦。緣熟于讀也。教學詳前。鄭氏曰。習。順雙手而日月相循曰習。猶學之爻。𠄎音揭也。元鄧錡

曰習坎從二月一日作☵訛爲羽表月有明暗而日統之習伏
眾神所謂繼明而享其不習也鄭厚曰包①②爲易此變易不
易本指也虞翻主漢儒日月爲易凡夫謂伯琦改已陋而定主
蜥蜴義自畫卦不能命一易字乎禮運曰本于大一故古作礼
禮取文茂耳卽噐是道履其體理也樂象形好樂音悅樂音中
和之生機成于樂也志所之而時持之曰詩聿卽筆說文書著
也璿璣鈴曰書如也如其心也春熏也秋摯也生殺仁義用二
貞一表冬夏酷寒暑之日少而春秋和平之用多也姚義曰春
秋斲物志定而後及也恐人尅刻也易以知命而後及也恐人
玄虛也故藏罕言于雅言而詩尤易興書先釋詁三物一貫六

潔白造矣。史記屬書離辭。猶屬文攤藻也。子雲作攤。古所卽麗。潛草曰。火麗薪而用其光。安于竈而享其熟物之功。心物交格而享其通。所謂麗正麗澤也。用在繼明分辯之。所謂攤也。以斯文藏性天。聖人所以大畜古今之神。而安萬世之竈乎。

雋永者。味旨也。○蒯通著書八十一篇曰雋永。說文曰。雋。肥肉也。从弓以射佳曰雋。永。言其味長也。許冲曰。逢神怡得旨而甘。別加從心也。按雋是鳥尾象形。从弓鑿矣。陸羽茶經。其第一者爲雋永。又爲姓。漢有雋不疑。雋舍。又地名。下雋。屬長沙。今辰州沅陵縣。并武昌之崇陽通城。皆下雋地也。顏師古於雋不疑傳。音徂覓反。於蒯通傳。音字覓反。其聲近翦。俗讀俊者。固非。讀忝

者亦未正也。公羊曰：得雋曰克。今本爲雋。雋與俊通。子峻切。別作雋。傳曰：壺何爲焉？其以中雋也。後漢朱雋字公偉。今通鑑書作雋。加山者譌耳。雋戶圭切。而越雋則音髓。此合溪所以復附將遂切于雋也。王子侯表：柳康侯雋。無音。當是雋字。智細思說文：進从蘭省。則蘭从誰乎？蓋从雋省聲也。古當讀俊。翦隨讀耳。雋有翦音。猶平有僂音。甄有堅音。竣有全音也。試問俊貌何以音酸。鷄鷄何以音俊乎？蓋古久音隨。象形。孫氏音上聲。屢爰从之。轉而爲俊。竣酸竣四音。漢人注書。偶以方言注之。後人別無所考。遂據爲定案。旣知其原委。仍之可也。

曰比輯。曰整比。曰讎比。皆謂讎對排比而綴輯之也。○儒林傳

公孫弘比輯其義。唐志玄宗命馬懷素褚無量曰。內庫篇卷錯亂。卿爲朕排比。乃敕於東都。乾元殿東箱。部彙整比。開元八季。命元行冲整比羣書。宋咸平元季。詔朱昂杜鎬與劉承珪整比三館秘閣書籍。陸魯望讎比勤勤。比輯整比。舊皆去聲。猶字櫛句比之比。高誘序淮南言朝晡事畢。比方注解。則音上聲。按後漢東觀讎校。注讎對也。則比亦對也。輯又與揖揖集緝通用。如漢輯濯令卽揖擢。兒寬傳統揖羣元。注揖輯集三字同。詩揖揖卽緝緝。史記注以揖志爲輯。京山積集竝通。○刑法志蕭何攬攬。采獲也。或作攬。攬。擢。拮。拮。通作拮。拾。○○攬。秦法。注攬九問反。攬之石反。孫恂與拮字同。收入問韻。音居。

運切。攢又作攢。攢與拊皆一字。史記季表。拊攢春秋。藝文志。楊僕拊攢遺紀。奏兵錄。范冉拊拾自資。韻會引刑法志作攢。攢集韻曰。攢古作拊。本作拓。唐書用攢。拓一作拊。拾。柴氏拊墜。以古庶作戾也。夏侯建左右采獲。淮南聘善易九人。從之采獲。履曰猶采。掇。拊。而得也。采从爪木。俗加手。

分占。分其所口占也。○漢陳遵口占書。增韻曰。隱度其辭。口以授人曰口占。與流民自占之占同音。皆章豔切。去聲。唐王劇當五王出閣。劇召五吏分占。其辭粲然。東漢虞延占拜可觀。謂拜起致詞。有儀度也。唐張薦字孝舉。占對詳敏。三使絕域。源乾曜占對有序。蘓頌於後閣。口所占授。陰氏分占。占拜。皆收入平聲。

或曰五吏分占分其口占而書之也。而漢六史志有青史子五十七篇。風俗通引青史子書大戴禮保傅篇青史氏之記曰古者胎教隋志有梁青史子一卷文心雕龍云青史曲綴於街談新書載青史氏言就於萋室一則卽胎教之文也古者殺竹青以成文曰汗青以削刀書之元美曰汗灸去其汗故不蠹此青史所由名也北史言劉向受詔校書每一書竟輒言臣向書長水校尉臣恭書太常博士書中外書合若干本以相比較然後殺青列子定著八篇或字誤以盡爲進以賢爲形及在新書有棧校讎從中書已定以殺青書風俗通曰劉向典校書籍皆先書竹爲易刊定可繕寫

者以上素也。吳祐傳。父恢欲殺青簡。寫經書。祐諫止。注謂汗青。孔子韋編三絕。顏淵鐵鐫三折。皆指竹書。楊雄鈇槧。亦書竹板者也。

曰流別。曰種別。言區別其流裔也。○摯虞撰古今文章類聚。區分爲三十卷。名曰流別集。隋志總集類。文章流別等一百七部。二千二百十三卷。謝混流別本十二卷。孔甯續流別三卷。自劉子政有別錄。歆乃集六藝羣書。種別爲七略。言各種分別也。孟堅曰。亦六經之支與流裔。遂有流別之稱。唐集庫分爲三。曰楚辭。曰別集。曰總集。子厚但以爲文有二道。著述者流。比興者流。汪藻曰。左屈稍與經分。至後世流別而爲六也。去經愈遠矣。

閒編言閒厠而編之也。○楚元王傳後載歆責讓博士書言孝成帝陳發秘藏校理舊文得此三事以考學官所傳經或脫簡傳或閒編師古曰脫簡遺失也閒古莧反閒編謂舊編爛絕前後錯亂也智按古但有閒後人增閒因閒厠其閒遂爲去聲淹中佚禮也稷下書天口駢也○北史云淹中稷下八儒三墨之異漢書禮古經出魯淹中蘇林曰里名智謂卽弇中哀十四季失道於弇中注狹路也論衡謂宣帝時河內女子壞老屋得佚禮卽劉歆所欲大逸禮也道家田子二十五篇名駢游稷下號天口駢呂覽作陳駢蓋古田陳通音或曰華嚴拖茶字母第九韻並列可證

連叢。孔臧續孔叢子也。以爲孔甲盤盂非矣。○邯鄲書目曰。孔叢子一名盤盂。取事雜也。嘉祐四年。宋咸上注。賜三品服。子止云。孔鮒撰。孔臧以所著賊與書。謂之連叢。漢志儒家雜家各載之。又云。鮒或名甲。而田蚡學盤盂書。注應劭曰。黃帝史孔甲爲之。而人遂以附會也。文選注引七略云。盤盂書。黃帝史孔甲爲之。而人遂以附會孔叢子。直齋言其記問篇。子思與孔子問答。孟子言魯繆公與子思同時。則孔子沒且七十季矣。元瑞謂孔氏子孫。雜記其先世之言行也。宋景濂因咸注。而以爲咸僞作。又疑之太過矣。伯夷卒在孔子前。則子思無不見孔子者。史記表不足信也。

中黃子。慕黃帝問道於中黃之名也。○伯厚載書曰。唐嚴從撰

中黃子三卷。開元中著作郎。按抱樸子言黃帝到青丘見紫府先生。見中黃子。受九品之方。水經注引作九加之方。嚴從纂此名耳。

聾隅子因聾書而作也。○聾隅子歔歔瑣微論十卷。晁氏曰黃晞撰。序曰聾隅者。枘物之名。智考。晞蜀人。嘉祐韓琦薦爲太學助教。又按唐沈顏有聾書十卷。說文聾不聽也。五交切。退之用詰曲聾牙。

類書始於皇覽。○通考類書始於梁元帝同姓名錄。晁氏曰齊梁喜徵事。類書之起。當在此時。智按唐志類事之書。始於皇覽。而直齋止於祖珽李徵撰修文殿御覽。不引前有皇覽。類苑徧

略等書。則世已無其書。皆并合入新編內矣。考魏志劉劭傳。黃初中。受詔集羣書。以類相從。號皇覽。魏略云。常侍王象撰八百餘萬字。隋志雜家。皇覽百二十卷。繆彤等撰。何承天徐爰合之。蕭琛抄之。而史記注皇覽。記先代冢墓。是魏人王象繆襲等撰。則當時亦止就修文御覽等書引用。未及核其全書也。宋李昉等太平御覽。楊億等冊府元龜。各千卷。然御覽之類。見一字相同。則連引之。而本類之應有者。反不載於雜書。多引而見正史。與注疏中者。往往遺漏。冊府愛抄文章三十一部。千一百四門。各序尚有可觀者。近時永樂大典。洪洲云。命解縉纂集。初名文獻大成。復命姚廣孝劉季篾等徵四方宿儒。增輯二萬二千九

百卷。仁寶曰。胡廣王洪等輯大典。目錄六十卷。其表文載蟬精雋中。蓋創見書也。弘治中曾重抄之。今散失矣。履按永樂大典藏于文樓。嘉靖中火。上亟命掾得免。復命儒臣摹抄。隆慶元年。始竟。萬曆中因三殿火。書遂亡。

成相助力之歌也。○荀子有成相三章。相者助也。舉重勸力。以申其邪。許噓喻之聲也。史所謂五殺大夫死。而春者不相。并是已。淮南王有成相篇。漢藝文志有成相雜辭十一篇。正如荀卿之說。託此以諷諭也。東坡志林曰。不解成相爲何語。乃引及治樂以相訊也。此大誤矣。樂記治樂以相。訊疾以雅。相與雅皆二樂器。相以據實其中。

倅詩蓋譎諫之意也。○荀子曰天下不治請陳倅詩。倅卽詭。詭譎其詞以爲諷也。僖九年晉侯詭諸卒。左氏作倅諸。公穀作詭。李百藥倅得不死。相如賊連卷。欒倅猶考工之蓄爪不相倅也。皆與詭同。方子謙小補失載倅詩。亦不知倅卽詭字。周禮大司樂大傀異哉言大怪也。傀劉音詭。蓋从鬼。當先有詭音。後轉爲怪。

屏風格詞頭式也。○漢成帝令相如視草。唐以後除命皆有詞頭。其制敕有底有宜有案。詳書札類。博物志太原以北生屏風草。依岸而生。故帖舊文屬稿者曰屏風草。履按別錄屏風草卽防風。東軒筆錄曰人言陶穀宣力太祖有葫蘆之誚。周必大玉

堂雜記。僦值未詳其體。院吏必以片紙錄舊作。謂之屏風兒。何子元曰。此所謂葫蘆樣邪。人以屏風語爲納被祭。臯比者非。障車文。却扇詩。皆催妝也。○柯古言。北朝婚禮。設青蘆。夫家領百餘人。挾車呼新婦子。催出來。唐遂有催妝之語。中宗時守歲。以乳媪醜。竇從一。令誦却扇詩數首。三省曰。卽催妝詩。李義山代董秀才却扇詩云。莫將画扇出帷來。此中須教桂花開。孟奇言。唐天祐中。南平王鍾傳女。適江夏杜洪子。時又昏暝。令人走乞障車文於湯筭。筭命小吏四人執紙倚馬而成。卽催妝也。何論。試題也。○宋韻略載進士所習。有何論一首。陸務觀云。施肩吾及第。敕亦列其所習。何論一首。何論者。如三傑佐漢孰優。

四科取士何先。智謂如今吏部考假之類。假如者。設爲趙甲錢乙之事而判之。

奇咳。一作奇胲。奇咳奇資。兼咳兼胲。胲存。皆以兼該大義也。○資猶該也。莊子胲而存。言該備也。漢藝文志有五音奇胲用兵二十三卷。五音奇胲刑德二十一卷。淮南子兵略訓明於星辰日月之運。刑德奇胲之數。注奇資。奇秘非常術也。史記倉公傳。教唐安以奇咳。卽奇胲。蓋謂奇秘兼資也。說文咳。奇咳非常也。咳曰兼咳。咳曰兼胲。而該曰軍中約也。讀若心中滿該。故凡夫用兼咳。虛舟子曰漆園寓言游心歸于極物而止。西乾本藏表法。而滑疑以護其神。非大奇咳邪。遣放消心。知則不惑。

流演軌草。易占也。卦影圖占也。○子止言周易流演五卷。唐道士成玄英撰。演九宮直季月日。或曰釋仁英撰。又易軌一卷。僞蜀蒲乾貫撰。專言流演。智謂本於京君明。隋有逆刺。唐有錯卦。卽其書也。元祐八季高麗進書。有京氏周易占十卷。伯厚以爲卽隋志之占十二卷也。景迂曰。前是小王變四千九十六卦。後有管輅定乾之軌七百六卦。復有入坤之軌六百七十二。知之者。可以語邵子三易矣。智按伯厚言焦小黃。蓋漢書焦贛補小黃令。舉最當遷增秩。畱卒於小黃。漢陳畱郡有小黃外黃縣。晁氏未必訛。今吳中刻易傳皆訛作小王。以土語黃王不分也。京管以來。遂行軌草之說。孟奇以分野猶軌草之分爻。通考火珠

林一卷。卽京氏法。軌革之道。又有卦影。東坡志林曰。費孝先言得之睂山老人。壞一竹牀。書定季月當壞。遂師之。老人授以易軌革卦影。東軒筆錄曰。孝先常爲李璋作卦影。爲五鳳五圖。後驗。獨王平甫不喜曰。卦影驗於事後。何足問邪。今推背圖之類也。李筌傳驪山老母之言。百言演道。百言演法。百言演術。此所傳陰符元義也。春秋有演孔圖。宋五行志言劉向廣演洪範。皆因大衍而流爲此名。

聿斯。星算家言也。○宋史藝文志有都利聿斯經。四門經。陳振孫曰。唐待詔陳周輔撰。聿斯歌。青羅布衣王希明撰。貴與未判原委。按唐志都門聿斯經二卷。本梵書。唐貞元初。有都利術士

李彌乾至京推十一星行曆。知人命貴賤。陳輔修之。卽文殊所說宿曜經。宋楚衍。劉熙古。皆明聿斯說。珞珞三命。呂才言本季主。而李虛中論之。晁氏曰。小運本說文。空亡本史記。叢辰日苑。有自來矣。人溺禍福。反不安命。聖人在陰陽中。能轉陰陽。所貴知命。豈指此哉。俗餬口而已。

旋式。抱陰陽式法也。靈棋經。棋卽占局之棋也。羅經。本旁羅也。方圓圖。大式也。○日者傳。旋式正碁。周禮太史抱天時。鄭司農云。抱式以知天時。藝文志有羨門式法。隋志有黃帝式經。三十六用一卷。唐李鼎祚有連珠明鏡式經。唐六典三式曰。雷公太一六壬。其局以楓木爲天。棗心爲地。刻十二神。下布十二辰。月。

令正義按陰陽式法。梁元帝洞林序曰。羨門五將。韓終六壬。後漢高彪傳。太一五將三門。注太一式。今之所謂三式。則太一奇門六壬也。通考靈棋經。東方朔撰。又云張良劉安。晉顏幼明。宋何承天注。唐李遠敘曰。棋者。卽旋式正碁之碁也。南史載靈棋經之繇。羅經亦式也。所謂旁羅日月星辰也。河洛方圓圖。非太式乎。潛草曰。神無方。準不亂。環中四旋。旁羅本具。洪範嚮威。徵紀稽疑。易示吉凶。貞勝因濟。平時以靜。正通神明。而問則受命如嚮。物物皆著龜也。觸其端幾。何思何慮。須信心自本靈。誠自不爽。末世捷術。給人而汨陳矣。

萬畢言萬灋畢於此也。○唐志淮南王萬畢術一卷。龜策傳諸

先生云。臣爲郎時。見萬畢石朱方。此卽漢之逢興。輕舉倒景。黃冶。淖溺。五倉之術也。厚齋曰。唐陰陽家有王燦呂才二家。他如白澤圖。黃帝集靈。成王須臾。淮南萬畢。周宣占夢。咸著於篇。潛艸曰。劉向獻黃冶而下獄。退之戒服食而斃于硫。何如范文正卻化金。東坡勘破致夢之黃衣邪。

岐黃曰。內經言身內也。內業篇言大道也。內景者。黃庭之義疏也。○靈素今號內經。管子內業篇專言道。故詹以元謂老子出于管子。智按漢志別有內業篇。蓋古有是書。而管老取之乎。六一題跋曰。黃庭經。永和中刻石。世傳右軍書。而筆法非右軍。今道藏別有三十六章曰內景。而謂此一篇爲外景。蓋內景者。乃

此一篇之義疏也。流俗有中景。尤爲繁雜。余一本得於殿中丞裴造者。周益公題。向薌林家藏曰。山谷書南華玉篇。卽內景也。後漢方技言內學。爲秘術讖緯之事。今日內事。專指容成等術。惠曰。儒合內外。而出世小乘。掃外重內。故曰內典。關尹曰。聖人知內外之本合。故或言內。或言外。

玉帳。兵書也。斗擊厭勝之方佐也。○子美送嚴武入朝云。空留玉帳術。愁殺錦城人。王洙云。兵書也。智按。唐藝文志。有金匱絳囊玉帳經一卷。筆乘按。顏之推觀我賊云。守金城之湯池。轉絳宮之玉帳。又袁卓遁甲專征賊云。或倚直使之游宮。或居貴神之玉帳。玉帳乃兵家厭勝之方佐。出於黃帝遁甲。以月建前三

仗取之。如正月建寅。則已爲玉帳。李白司馬將軍歌。身居玉帳。臨河魁。成爲河魁。謂玉帳在戌也。漢志曰。推刑德順斗擊。因五勝。智按曆。謂冬至斗建曰斗分。戌爲河魁。斗魁所抵也。此卽斗擊之說。

接要卽捷要。○魏戌紀注抄集諸家兵法。名曰接要。接與捷通。鄭伯捷。公羊作接。可證。

黃伯思校讎師春。非杜預所言之師春也。○黃長睿校讎師春五篇。乃汲冢古文。杜預言別有一卷。集老氏卜筮事。而伯思所見全異。紀諸國世次及十二公歲星所在。并律呂諡法等。末乃書易象變卦。則預所見。非全書也。師春乃鈔集人名也。其書繚

乃宋景公名。與宋公縗餽鼎合。謂是西晉人集錄。元瑞曰。伯思說與通考陳氏說同。然紀年卽今冠以竹書者。而黃以師春當之。亦大鹵莽矣。智按。升菴所稱瑣語。亦不得見。不過所引數條。此師春一卷。何以獨全。杜預所見。或尚是真。伯思所見。則後人附之者。瑣語固妄。生封繳書可知也。自周末至晉。歷季近六百。安得竹簡無恙邪。

雞次之典。乃離次之典也。○楚策昭王反郢。五官失法。蒙穀獻雞次之典。而百姓治。注一作離次之典。當以離次爲正。古離猶麗也。次。次第也。一曰書有畔官。離次因大法治之。遂爲書名。諸皋有三說。夷堅之支甲。支癸。猶續俎之支動。支植也。天咫玉

格壺史貝編亦猶金海玉海甘腴樹萱金荃蘭畹也。○吳曾言姚寬以左傳獻子諾巫皋事晁伯道談助云取寄生木咒曰諾皋能隱形抱朴子言諾皋太陰名見遁甲經陶九成言續集有支動支植因悟于支之支夷堅志有支甲支癸正取此也成式篇名天咫玉格壺史貝編皆大名造語宋人多駭其稱按天咫言七曜事玉格言玉檢事壺史言道術貝編言釋門梁武帝撰金海張融撰玉海朱遵度麗藻三曰玉海九流應麟效之李商隱作甘腴子言悅口也溫飛卿詞名金荃荃蓀也元好問詩金荃怨曲蘭畹詞唐人詞曲集名蘭畹如王銍樹萱錄設怪以忘憂耳唐劉餗樂府解題曰淮南大山小山猶詩之大雅小雅也

而高潏陽謂爲人名。按旣云安與蘇飛李尚左吳田由雷被毛被伍被晉昌八人。則八公指此矣。大山小山。或是篇名。如支甲支癸之類。未可知也。

秘辛。猶令丙也。○令丙。猶令甲令乙也。漢秘辛一卷。亦以次第名。唐之甲曆。則秦鈔底案也。樊南甲乙集。則李義山之四六也。叢書甲乙丙丁。則陸魯望之笑澤集也。江東生甲乙集。則羅昭諫之詩也。丁卯集。許渾詩也。渾居丁卯橋而名。荀勗因鄭默中經。要著新簿。卽分甲乙丙丁。伯厚載景部丁部。此唐諱丙也。北史孫惠蔚依盧杲撰者。卽北魏甲乙新錄也。宋以甲乙名書者多。

齊諧卽莊夷堅卽列。○齊諧夷堅皆古志怪之名。後人或作續齊諧說。洪邁遂作夷堅志。胡元瑞曰。志怪小說。率以祖齊諧夷堅。然齊諧卽莊夷堅卽列。升菴言張華作博物志。漢前已有博物記。元瑞因類書有載博物記。言魏郭后事。證非漢人。夫安知漢前不更有博物記邪。茂先續之耳。李石又續之。如廣客談通本。輟耕錄皆鈔之。贊寧物類相感志十卷。說郭載一卷曰東坡著。今見曹明仲格古要論全抄之。

脍說猶叢談也。曰叢脍之語也。揣篇摩篇附會蘓秦摩蕪烏者也。揅闔訛爲押闔。越絕疑傳越紐。揣摩通作揣摩。○小說家或曰叢談。或曰脍說。許慎引叢聃。徐鉉作脍从目。智按脍爲肉之

紛脞。从目反曲。鬼谷子有揣摩篇。捫闔篇。人或信蕝秦揣摩
本此。鬼谷卽鬼廋區。曾知爲無是公乎。僞作者。因秦揣摩成而
附會耳。前人四六曰。誰傳洞歷。懶解王鈇。捫闔不藉聊蒼。闔弋
難拘堅白。空藏越紐之姓字。何論駕辯之宮商。且隱櫟園。閒抄
朮序。按七略。縱橫家有聊蒼一篇。晏子有闔弋篇。鵬冠子有王
鈇近迭篇。論衡引周長生洞歷十卷。記故事。或以爲趙曄神淵。
張衡算罔之類。非也。越紐卽越絕。升菴曾言之。而元瑞駁之。其
實絕紐文近。大招伏戲駕辯。楚勞商只。注伏羲造瑟。始造此曲。
皮日休詩。白月半窗抄朮序。道藏有紫微夫人撰朮序。卮言據
之。捫闔襲用久矣。智按乃捫闔之訛。排而奪之。闔而閉之也。

按內下
脫史字

副寫。謂副書也。○文選家有副書。指班存傳。賜以秘書之副。春
官內掌書王命。遂貳之。注康成曰。副寫藏之。今稱正本副本。
度辭。讒喻。謂隱書也。離合詩。井謎。商燈。其流也。○晉語有秦客
度辭於朝。注度。隱也。新序曰。齊宣王發隱書而讀之。東方朔曰。
乃與爲隱耳。漢志有隱書十八篇。呂審應篇。成公賈之。讒喻。高
注曰。讒語。劉勰曰。讒者。隱也。還社喻。晉井。叔儀歌。佩玉。伍舉言
大鳥。齊客言海魚。莊姬託龍尾。臧文書羊裘。皆隱也。吳虎臣言
度辭起於春秋傳。范忒子度辭於朝。東坡和王定國詩。巧語屢
曾遭。意苾。度詞聊復託芎窮。宋靖康時。歙人汪東叟若海遊。張
叔夜幕作麟書。亦度詞也。胡元瑞以隱書爲隱士之書。非矣。孔

融作離合詩。曹娥碑陰八字。叅同契後序。與越絕書隱袁康吳平。皆後漢人伎倆也。此後如大明寺壁。東坡硯蓋。遂爲商謎燈牌矣。謎見玉篇。鮑昭有井謎。京師記有商燈。皆隱語也。智按曹娥。上虞人。舊說曹孟德不及楊修三十里。孫權據越。曹何以至。因楊修知雞肋而附會耳。或曰楊碑也。解此等事。別有機穎。非關博學。鄭欽悅之解鍾山銘。新唐書采小說而載之。商洛隱者。非創名乎。沈存中嘗謂李嗣真喪車一鐸。求得砧石者妄也。張率妄叩潤州玉磬。而東掘應閨者欺也。一人傳虛。眾人傳實。會粹薈叢。其語本於會最。轉爲會撮。彙括。言隱括也。或作穩括。○馬永卿曰。鄭虔著書。目爲會粹。老杜哀台州司戶詩云。薈叢

何技癢。後人乃誤呼爲會粹。智按古有此語。霽韻入泰韻。莊子
頂椎爲會撮。音轉入聲。謂其會撮而起也。虔之書名。則本爾雅
序云。會粹舊說。劉向別錄曰。鐸叔抄撮八卷。授虞卿。三國志桓
範抄撮漢書。劉之遴亦言撮搜。猶之會粹也。字本作萃。虔本傳。
蕓源明名其書爲會粹。柴氏曰。會撮合音爲括。因有隱括。荀子
櫟括之側多曲木。揉邪者爲櫟。正方者曰括。故今祖構編書家
亦曰櫟括成書。後漢鄧訓傳。考量隱括。魏書張吾貴傳。隱括兩
家異同。卽櫟括。凡論文曰刪拾。曰采掇。曰鉤鉞。曰刊落。皆喻言
也。士安所云祖構。以匠喻。士衡所云警策。以馬喻也。崖穴喻深
隱也。輦悅喻表飾也。楊子曰。學者繡其輦悅。猶相如之言合纂。

組也。後漢儒林贊曰：繁其章條，穿求崖穴，猶子幹之言回穴也。子長曰：欲自彫琢，卽瑯篆、鹽鐵論、畫脂鏤冰。關尹曰：吹影鏤塵。言鑿空也。因客泥升菴譏窈窕爲宮室，非爲女容，故舉此以解之。又按括篆以舌。

騷賦之末，用亂用歌，或用訊，或用諄，或用歎。字曰文，行文曰言。成篇曰章，然古可通也。○屈原用亂曰：賈生用諄曰：史記作訊曰：劉向用歎曰：此猶章句論解之家。在漢曰故曰林曰微曰箋曰注曰疏曰解曰通，然後人各以意名書，千百其變。而楚詞尚守此數法。歷至今日，三李楊王，無別創者。其曰永言之道，近於性情乎。國語指那頌卒章爲亂辭，摘小宛首章爲篇曰：左傳所

引數章之末。謂之卒章。一章之末句。亦謂之卒章。一句謂之一言。一字亦謂之一言。蓋古人不拘也。連珠始於韓子。○文章辯體。連珠體。陸機演之。陳證黃芳劉祥梁或帝謝靈運皆作。未知所始。北史李先傳。魏帝召先讀韓子二十二篇。任彥升文章緣起。謂連珠之名。始於楊雄。非也。沈約劉勰。皆言雄始。韓子比事。初大此名。而組織短章之體。則子雲也。勰曰。雄覃思文閣。碎文瑣語。肇爲連珠。是可想已。三輔沒錄注。趙岐擬前代連珠之書。四十章。上之。韓說奏連珠。蔡邕傳毅劉珍。皆著連珠。漢時已盛。人止見文選演連珠而定體耳。或作聯珠。竇氏聯珠集。則詩也。五竇之父叔向。字遺直。左拾遺出爲

漂水令。唐書稱其以詩自名。詩苑類格。上官儀云。蕭蕭赫赫。爲連珠對。

二十四名。詩之流也。十二體。博學宏辭之科也。賦二十體。賦林衡鑑所析也。三十六體。儷偶之體也。○元稹樂府古題序。詩之流。爲二十四名。曰賦。曰頌。曰銘。曰贊。曰文。曰誄。曰箴。曰詩。曰行。曰咏。曰吟。曰題。曰怨。曰歎。曰章。曰篇。曰操。曰引。曰謠。曰謳。曰歌。曰曲。曰詞。曰調。博學宏辭十二體。曰制。曰誥。曰詔。曰表。曰露布。曰檄。曰箴。曰銘。曰記。曰贊。曰頌。曰序。范文正公。賦林衡鑑析二十門。分其體勢。如敘事紀功。假象體物。有喻雙關之類是也。李之儀姑溪集。以過對語爲律半格。唐書用儷偶相夸。號三十六

體以李商隱溫庭筠段成式三人皆行第十六。金鑾密記。唐翰林學士入院試文曰五題。謂賦詩制書批答也。藝文志杜元穎五題一卷。

歇後影略尊題建除百一宮體香奩皆因體而名也。○鮑明遠有建除詩號建除體。應璩有百一詩號百一體。宮體起於徐摛和凝作香奩托名韓偓而弱侯猶爲偓惜。則王建宮詞趙與峕何復爲沾沾十詩邪。元和體長慶體則以季號名也。淵明詩再喜見友于杜亦用之。到蓋傳得毋假手於貽厥乎。六朝用奩各則百之語皆歇後也。鄭棻特以歇後詩名耳。當時應久有此語。賈島有影略句韓退之喜之韻語陽秋曰作文強此弱彼謂之

尊題鍾常侍詩品嵇康良有鑒裁司空表聖言賈島附於寒澁因徐彥伯之澁體也謂其不流便耳流便言清便也在昉傳用事過多不得流便世說言洮洮清便言洮汰世故而清且便也嚴羽儀卿曰玉臺體因徐陵所序玉臺集之纖艷而名西崑體卽溫李及本朝楊劉諸公而名又謂文選古詩爲選體七言句句一韻者栢梁體起漢成也八病之外又有折腰聯句轆轤又有退韻回文反覆扇對探題詩格固多杜云或看翡翠蘭苕上未掣鯨魚碧海中眞能詩者豈斤斤此乎

險譚覆窠猶曼倩之口諧少孺之談笑也○楊詩品云吳均詩秋風瀧白水鴈足印黃沙爲沈約所笑唐人以此爲險譚句太

平廣記有伊風子詩。時謂之覆窠體。猶云打油也。杜公謂之俳諧體。唐人有張打油。北夢瑣言有胡釘鉸詩。

書不盡信。明其理事。文氣時變。而無逃矣。喬宇鬼瑣。譏髀弔詭。各視其才。不爲所惑可也。○淵明歎六籍無一親。敢輕議乎。梅騫之駁古文尚書。安石之廢麟經。永叔不信文言。楊簡且疑繫詞。不必矣。周末文勝。諸子各造一奇。卽托者亦可觀。漢出之七。十二緯。則無足取。因仲尼傾蓋有子華。因柱史出關有尹喜。鬻文鵠冠之類。徃徃而然。葛洪之托劉歆。衛元嵩之托蘇源明。趙蕤之托關朗。慶虬之托相如。又奚似何法盛之于郗紹。朱齊丘之于譚峭邪。元瑞謂王士元補庚桑。而元美不知也。王禕言吾

子行作乘檣杙與晏子相似元瑞亦未之知也智以爲倣詭連
狝各出於才不能忍知其隱劣而顯勝不爲所惑斯已矣亦視
其有開必先之理事何者實長耳不必概以阮逸毛漸宋咸孫
定戴師愈李筌一例而讞也於忽操是王禹偁擬作宋文粹載
之亦猶蘇或妻答詩李陵答或書也人生而靜四語升菴謂出
鬻子豈知子書撫禮記乎文言四語永叔謂先見于穆姜豈知
傳取文言措筆乎王銍信之作龍城錄托名於柳猶杜註之托
名於蘇也周輝所得之破碌卽魏泰托名聖俞之碧雲騶也李
德裕門人作周秦行紀以構奇章有之乎大抵小說可一覽而
置之其志怪頻襲者尤無謂洪何必夷堅胡何必集異苑邪構

虛驚愚。劉知幾早歎之矣。荀宇鬼瑣。荀子之非諸子也。荀譎也。宇大言也。鬼奇怪也。瑣細也。莊子言弔詭。猶釣奇也。慎到譔。髀譔言談諧也。髀言炙轂髀之滑也。參云理本易簡。盡于聖經。事則宜詳。後世尤貴辯當。而攷究之家。水落石出。于已甚勞。後學有益。此其功苦。豈與冒虛者。構詞者。較難易哉。天地律歷。質測其故。醫藥小學。別紀存野。要非會通者。亦不能也。咏歌題跋。陶情自娛。足矣。至於淫狂詭誕。疊架相襲。絕無奇也。何不以雅馴爲至樂。

七略七志七錄相因。荀勗始爲四部。而後因之。○劉歆七略。首曰輯略。曰六藝。曰諸子。曰詩賦。曰兵書。曰術數。曰方術。王儉七

志。一經典。二諸子。三文翰。四軍書。五陰陽。六術藝。七圖譜。及佛道二家。名七而九。又作九篇條列。阮孝緒七錄。一經典。二紀傳。三子兵。四文集。五伎術。六佛。七道。魏荀勗始因鄭默中經爲新簿。分四部。甲六藝小學。乙諸子兵術。丙史記皇覽。丁詩賦圖讚。至唐而史居子上。次經。佛老附子。而終之以集。定爲四庫。元載當國。增爲十二庫。仍四部也。宋相沿襲。景德二年龍圖閣。下列六閣。則四部加天文圖畫也。鄭氏通志略十二類。一經。二禮。三樂。四小學。五史。六子。七星數。八五行。九藝術。十醫。十一類書。十二文。又總天下古今書籍。爲羣玉會記三十卷。又作求書闕記七卷。外記十卷。今馬氏通考。並遺此數名。馬氏於經籍分四部。

經十二類。一易。二書。三詩。四禮。五春秋。六論語。七孟子。八孝經。
九樂。十織緯。十一儀注。十二小學。史十三類。一正史。二編年。三
起居。四雜史。五傳記。六故事。七職官。八地理。九刑法。十時令。十
一譜錄。十二史鈔。十三史評。子二十類。一儒。二道。三法。四名。五
墨。六縱橫。七雜家。八小說。九農。十天文。十一曆算。十二五行。十
三占筮。十四形法。十五兵。十六醫。十七神仙。十八佛。十九類書。
二十雜藝。集四類。一別。二詩。三歌。四總集。藏書家皆四部法。而
獻臣邯鄲圖書志於四部外。又增四焉。其成十志。莆田鄭寅仍
爲七錄。又按陸子淵目。一曰經。二曰性理書。三曰史。四曰古書。
五曰子。六曰文。七曰詩。八曰類書。九曰雜史。十曰諸志。十一曰

韻書十二曰小學醫藥十三曰雜流又特為一錄以次宸章目

曰制書

西漢三萬三千九十卷

劉歆七略總目舊唐書九十作九百非據班志所省十家又增入五六家東

漢萬三千二百六十九卷

班藝文志原注本七略增入劉向揚雄等三家然尚有杜林并蹴鞠二

家省伊尹墨子兵類十家光武遷都書籍二千餘兩諸家以為三倍于前固非實錄而時少纂輯范史無志惜哉

晉二

萬九千九百四十五卷

荀勗四部目見隋志序東晉三千一十四卷李克校定

孝成增益三萬餘卷

徐度校見崇文目序劉宋四千五百八十二卷謝靈運校

此據舊唐書

隋志以為六萬齊萬五千七十四卷

王檢校永明增益萬

八千一卷

謝朓王亮修梁二萬三千百六卷任昉部集文裕云梁

晉通增集三萬餘卷

阮孝緒七月錄隋志萬五千見牛弘表大業中三萬七

千。柳誓校總嘉則殿書三十七萬卷。正本止此。隋志作正本八萬九千。陸文裕以爲七萬七千餘。唐開元中八

萬二千三百八十四卷。新唐書序開成中五萬六千四百餘。舊唐志敘載

宋慶曆中三萬六百六十九。崇文總目太平初正副止八萬。淳熙中四萬四千

八十六。陳騭四庫目載考諸史藝文志往往與當時書目相左。或所記之異也。洪容齋謂御覽引用一千六百九十種。

與姚鉉所類多不全有。而中興乃多於崇文。蓋增新籍也。桓譚新論言漢梁子初。楊子林手

錄萬卷。梁任昉四萬。唐蘓弁二萬。李泌三萬。皆存總目。而阮孝

緒之四萬。類例足徵。宋世家藏各目。俱不見。惟尤延之遂初堂

目今傳。若說郭節本。則寥寥矣。李淑二萬三千三百八十。田鎬

三萬。晁陳二目最善。見馬氏書。晁氏二萬四千五百。南陽井度

傳錄蜀中書甚富。舉以公政。遂作讀書志。周密謂陳直齋宦

中得五姓之書。乃能至五萬一千八十卷。又言前代杜兼萬卷。韋述二萬卷。吳兢西齋萬三千四百。周密家亦有四萬。濮安懿王之子宗綽蓄書七萬卷。南都王仲四萬三千餘。曾南豐及李氏山房亦一二萬。葉少蘊之十萬複也。近來藏書家大約不過五萬上下。今時刊本多。但有其資。亦易集也。因撮其數於此。令後人一覽而興懷焉。

古今書籍之大厄有十。而小厄不與焉。其曰八水二火者誤也。○牛弘謂五厄。秦火也。王莽也。漢末也。永嘉南渡也。周師入郢也。後又有五厄。大業也。天寶也。廣明也。靖康也。紹定也。大業時燼於廣陵。見通考。僖宗廣明。黃巢稱齊。厄水者。董卓遷都。載舟

西上。羅寇沈溺。僅數船存。此見舊唐書經籍志後序。又隋嘉則
殿書。亂後存八萬卷。王世充平。命宋遵貴舟載之。經砥柱漂沒。
風浪十僅二三。見隋志。王伯厚引之。此厄不在十厄之內。隋志
又云。齊末兵火延燒秘閣。梁初任昉殷鈞復部集之。此亦一厄
也。祥符八年三館火。玉堂逢辰錄亦記榮王宮火。典籍都盡。焚
屋宇二千餘間。陳振孫曰。唐末五代之僅存。又厄於此。亦一厄
也。合此論之。朝廷書籍之厄。凡十有三。魏了翁言江元叔所藏。
爲僕竊。入於安陸張氏者亦焚。宋宣獻書元符中焚。晁文元累
世之書。政和甲午焚。李端叔言宋緩家藏書。爲火所盡。周密亦
言無不厄於兵火者。其家藏亦失。王仲言云。葉少緼藏書於雪

川。丁卯與宅俱焚。而李泰發家書。亦是歲火。物聚必災。亦其理也。

智每歎藏書難。讀書難。編論尤難。漢隋唐之志。皆因朝廷之力。此王堯臣陳騏。所以易從事也。宋士夫藏書。如李淑宋綬尤袤晁子止。陳振孫之輩。皆稱好事。各有書目。閒爲評敘。較唐吳兢西齋。杜信東齋爲盛矣。夾漈之略。貴與之考。此至今昭昭者也。夾漈言前人編錄。有見名不見實者。有見前不見後者。以雜史上下分爲二家。隋唐二志。不成條理。崇文目評。廣記云。博采分門。則何以異於御覽。又譏孟堅之無倫類。不知班依子駿之舊也。貴與乃痛詆之。以竊通典之細注。而疎

於田賦等。夫七音六書。前所未發。經制之事。俱有成文。彼詳於難者耳。夾漈之皐輦。豈可沒哉。編志依通典。猶漢書取史記。史託取國策。世本。不得不相因也。以董無心爲墨氏弟子。玉格入譜錄。樹萱入艸木。則誠爲少室山房所笑矣。貴與所編之經籍考。但取公或直齋二錄。中亦未免重誤。何以議人。如李濟翁之資暇。一云李匡義。一云李匡文。文乃義之訛也。渚宮故事云。後周余知古撰。又渚宮舊事云。唐知古撰。載荆楚事。此晁氏少載其姓。而以其書言事。止於唐也。西夏須知一卷。晁云劉溫潤守延州編。蕃爾雅一卷。不載姓名。而別條又有羌爾雅。元端亦並載之。不知其卽蕃爾雅也。按宋史藝

文志直載劉溫潤蕃爾雅。此應據崇文目也。編年通載晁氏曰有朝張衡撰。又見別條斷論亦作張衡。按衡乃得象之孫。嘉裕二季進士第一。則是章衡。浦城人矣。黃長睿譏王堯臣之失。而不知張萬福酈炎皆有同名。書史緣竿欣之曰。而附會學士陳遵。程懿卜原治篇。遂據之。王淇洲自云補通考之漏。而自漏不免。又多以宋人書置元人之後。升菴以示兒編爲孫慥。以抄書者爲王融。猶云刻誤。如玉海筆叢之母照尤襄也。而敘母與爲母昭裔後。引管寧別傳以證幼安銀鈎之語。無乃如晦伯之所料乎。曩在都門。有聞見略記。少爲廷尉公所藏。家君從璽卿還。逐日課之。所有經史諸監本。諸子百

家及諸大類書。文集表表者皆具。但無異書。及宋元諸經解小說。天下志書未全耳。年二十出遊。徧訪諸藏書家。就抄其目。許借者借之。欲走越。就祁公之四部。又以家信返。止與臥子定交。問其所藏書。正不必異書也。流寓白門。收焦顧兩家之遺。吳中所刻小說亦多。方選古今詩風。從事文集。終日諧際。潦倒詩酒。僕僕中偶然過日而已。固常自恨。通籍後。卽值老父在。西曹不與宴會。掩寓則讀書。又與顰鴻圖。吳恭順往來。所收金石古文。漢唐碑楊。生平未見之書。舉其副。悉以相遺。或得抄之。因以所見錄其大略。不必盡我所藏也。其宋唐以上有名無書者。輒列其名。或他書所稱引。如升菴弱侯輩。

所載皆別記條目。或好事家藏。有論敘者。因而記之。概之曰
聞。大約異書多僞。亦無大書。如永樂大典。俱不可得見。然吾
家藏亦自足枕籍也。詎知流離至此。盡棄不問。追憶所記。彷彿
夢中。噫乎。若天許我還故鄉。抱少伯之漆書。畢朱虛之木
榻。欲求尋常書冊。盈尺皆難。況其異乎。噫乎。生平雅志在經
史。而不自我先如此。從刀箭之隙。伏窮谷之中。偷朝不及夕
之蔭。以誓一旦之鼎鑊。隨筆雜記。作挂一漏萬之小說家言。
豈不悲哉。愚道人今年三十六矣。讀書固有命。

通雅卷之四

桐山方以智密之輯著

同里姚文燮經三較訂

釋詁

古雋

鑿空猶弄空也。鑿行謂生事也。鑿隸作達。泝古作凿。○前漢書張騫傳云然騫鑿空。注顏師古以爲空讀如孔。謂鑿孔以通山路。此則迂謬極矣。後人遂以遠征用鑿空字。唐詩胡無人行曰十月繁霜下。征人遠鑿空。雲搖錦車節。海照角端弓。升菴以爲征人向空中行。如鑿空然。不察其沿誤。而又賞之。且引唐地記開山洞。置珍州。鑿空。文言之。開洞。質言之。如此足噴飯者。何晦

伯元瑞遂讓此老邪。智按騫鑿空者。史斷語也。謂成帝好大騫。善爲遠大奇瑰之言。以動至尊。猶今人所謂弄空走空耳。又按公羊傳曰。公鑿行也。猶要造之意。公本欲會晉伐秦。途過京師。復生事修朝禮。故曰鑿行。此可相證。亦將以鑿孔解之乎。鑿集韻作鑿。鑿鑿。又作達。卮言曰。漢司隸楊厥碑。達通石門。洪适不識爲何字。蓋卽鑿字。如匝作通。匹作迅。匣作通。陋作陋。謂之隸變。千祿字書可考。唐人書葉法師碑。宋人書杜詩禹鑿寒江之句。皆作達。智按達亦訛。乃隸作達。陳大科曰。介甫父子穿達是也。然今隸韻楊厥碑作鑿。而六一題跋載楊厥碑文。《靈定位》。川澤攸用。余谷之川。其澤南隆。凡此四道。垓鬲允艱。至於永平。

其有四季。詔書開余鑿通石門。中遭元二。四荒虛殘。橋梁斷絕。子午復循。於是楊厥字孟文。奏請度經。至建和二季。漢中大守王升。字稚紀。勒石頌惠。辭大略如此。以𠄎爲坤。以余爲斜。獨建定帝位。以漢詆焉。未詳。建和桓帝季號。此永叔時已釋鑿字。何言洪适不識邪。智在鞏鴻圖處。見有翻刻榻者。亦不作遂。或翻者改之乎。永叔且記𠄎爲坤。余爲斜。詆未詳。倘是遂字。豈不指出。或卮言亦抄他人語邪。張公神作鑿。邨閣頌作鑿。禮殿記作鑿。六書統作𡗗。總考說文繫從𡗗。象舂形。而無𡗗。蓋𡗗卽古𡗗字。象形。而小篆分加繫。鑿耳。遂乃遂之省文。變體也。六𡗗。六計也。○管子輕重戊篇曰。慮戲作造六𡗗。以迎陰陽。作

九九之數以合天道而天下化之。周人之王循六盞行陰陽。舊以盞字未詳。一切字書皆不收入。智按委宛編以六計解之。升菴之說也。則當爲計音。以企本是跂音也。又辛子文號計研。漢碑作盞研。王若谷曰。六盞其如周髀算法乎。又按宋景祐中得一鐘有銘在其腹曰。盞作朕皇祖文考寶龢鐘。盞其萬季子子孫孫永寶用享。與王朴夷則清聲合。而其形側垂。王伯厚載之。今釋作歪矣。篆從大屈其一畫向上。非從山也。鄭湛若言盞爲司計之官名。智以爲人名。董道跋此鐘曰。託於下走。自漢如此。周人未嘗有此。夫以作宗器薦之祖廟。宜刻名以自列。况於子孫其可以名廢邪。禮官曰。銘稱皇祖文考。謂祖文王也。世數雖

遠蓋推本原不然昔衛莊公曰皇祖文王列祖康叔文祖襄公
古人稱文祖文考不必舉謚如襄公曰文祖則可以考矣豈必
文王之子而謂文考以其皇祖稱考又不可不附其說古器刻
銘若賡作文考尊師鯨作文考彝戠作文考敦豈皆以文王享
乎今考鐘銘篆作𡗗古法𡗗從夭此非𡗗明矣當是作鐘之人
名或卽𡗗字未可知也

亭毒存養也○列子曰亭之毒之注亭以品其形毒以成其質
此毒音餘六切古毒與育同周易以此毒天下歸藏易大畜小
畜作大毒小毒蓋毒亦畜也今人每用亭毒而呼爲荼毒誤久
矣其言荼毒者說文毒厚也害人之草徃徃而生從草從毒徒

沃切。孫陸役收毒字。後人省草。借義久。而正義本音。反忘之矣。毒有反音。從土。當有讀音。此必有所因。而今流失。爲從土耳。荼毒之毒。從草。育毒之毒。上從生。下從母。今尚有毓字。從母從𠂔。𠂔音突。子初生也。余斷以爲毒害之毒。從艸。毒聲。孫愐未詳。更加毒字。梅氏亦未分明。又有捋音買。當是音反。若欲楷別。當從毒。元滿曰。毒。生厚也。音篤。說文訛從艸。毒混毒。按篤竺。畜育古通音。則音篤可通。而從毒之原不可廢。

款乃。搖船聲也。○此字用款乃。音襖。靄久矣。黃公紹案。項氏家說曰。劉蛻集有湖中靄迺歌。劉言史瀟湘詩。有聞歌靄乃溪峽裏。元次山有湖南款乃歌。後人因柳子厚有注云。一本作襖靄。

遂欲音款爲襖音乃爲靄不知彼注甚明非竟音也黃山谷不加深考遂從而實之智又按昭或嚴次山有款乃集陳氏曰款音靄乃如字蓋靄迺襖靄不妨並行戴合溪豈未見直翁貴與之書乎其云款者欵之誤欵有靄音也閔冷齋夜話載洪駒父曰柳子厚詩靄靄一聲山水綠靄音奧而世俗乃分靄爲兩字誤矣其第五卷又重載一條曰靄靄三老相呼聲此必詳考矣豈所傳之本異乎姚寬言今人誤合二字爲一王元美並不引諸說但曰子雲之款乃湘中人込舜之餘聲也此說殊支趙凡夫作丐款專附襖靄之聲

相於猶阿與也○杜詩良友幸相於曹子建樂府曰廣情故心

象之而名。崑崙奴言其狀混侖。猶言混沌也。昆吾是圓椎之象。如漢執金吾。程大昌考爲金釰之仗。執金吾爲駕前侍衛也。智見茶經。搗若今河隴軍人木吾。可知當時呼圓椎之類爲吾。師古謂金吾爲鳥名。誤。豈待言哉。吾之聲多通爲于。古稱我爲吾。亦爲予。瓠子歌吾山。卽奭山。騶虞一作騶吾。吾丘壽王文選作虞丘。可證也。如淳于之形。敦敦然圓渾。故呼之。其匾者曰孟。亦謂其圓也。說文訓歎。蓋言爲圓椎混侖之狀。不可知耳。屈原言鯀倬直。或狀其厚貌渾淪而名之。證昆于爲昆于。確然無疑。錚于音淳。似有淳于縣也。古淳與敦同。自當讀錚于爲敦于。又按吾于之聲。噉唇點舌。則爲都盧。唐人以觜尖爲都盧。國語曰侏

儒扶盧。韋氏謂扶緣也。上高竿者。漢曰都盧。師古曰都盧國人善緣。陳後山以唐人名都盧緣。謂矛戟之秘也。按考工記之盧。讀作盧。洪景盧奇之。凡圓者謂之盧。古語因吾于而轉也。戈戟之柄圓。故謂之盧。不必引攢竹爲秘也。瓠曰瓠盧。後以其可盛曰壺盧。頭圓故名頭盧。後人加骨加頁別之。可證。

久之猶拄之也。○說文久從後灸之象。兩脛後有距也。引周禮久諸牆以觀其撓。今考工盧人灸諸牆以眡其撓之均也。注灸拄也。橫拄之兩牆間以審其盧柄本末強弱均否。許氏所云從後灸之亦謂從後拄之也。士喪禮夏視鬻餘飯用二鬲於西牆下。鬻用疏布久之。康成注久謂若灸以蓋塞口也。公彥曰灸塞

義既夕曰苞二。簪三。甕三。甗二。皆木斲久之。合溪疑所久者在木斲。此不必矣。注斲。所以廢也。古久。注音通。正猶斗之音主。立之與區。揄之爲抗也。考工疏。灸音救。故康成別之。猶今言拄有去聲。

詩負之。詩懷之。猶言持之也。○內則世子生。卜士負之。言者齋宿朝服寢門外。詩負之。注詩承也。少牢饋食禮。詩懷之。挂於季指。注詩猶承也。京山曰。詩志也。志在負之。愚以爲詩持聲通。注疏亦言維持扶抱。而不指通聲之原。曰詩負之。慎重其事。負之而又持之。詩懷之。謂懷之勿露。而又持之恐失。故挂於季指。挂猶掛一之掛。言夾也。

古俗好吹竽。故有盜竽濫竽之喻言。○老子曰服文采帶利劍。厭飲食。資貨有餘。是謂盜竽。今本作盜夸。弱侯依韓非子解作盜竽。竽五聲之長。竽先則鐘瑟皆隨。言大姦唱則小盜和也。然陸希聲。蘇子由。呂吉甫。李息齋。皆主盜夸之說。升菴載文子亦。有盜竽之語。今人曰濫竽。則因齊宣王吹竽必三百人。劉實崇讓論亦引之。庾易傳有懷鼠知慚。濫竽自恥之語。

竿摩。猶干劓也。竿牘。竹簡也。○列禦寇篇。小夫之人。不離苞苴。竿牘。注相問遺也。雁門太守行。財用錢三十。買繩禮竿。升菴曰。卽莊子所謂竿牘也。京山曰。古呼澗爲干。呼簡爲竿。則竿牘卽簡牘。猶鴉之爲雁。个之爲介也。智按考槃在澗。韓詩作干可證。

董卓傳時人號爲竿摩車竿摩猶干廟也今俗以事干人亦謂相竿摩今人合而解之曰竿牘干瀆也因事借說可耳升菴轉注占音亦不知干之爲濶不之爲丕負之爲背

桮治與諛詒訾怡互通蚩諛卽癡諛○道應訓曰玄鬢齠然盧敖止駕桮治悖若有喪也注桮音坯楚人謂恨不得爲桮治猶今之癡也癡轉爲猷猶哈之有啞音也桮乃發語聲說文詒相欺詒也音盈之切莊子逢生篇諛詒數日注訾怡失魄魂貌李軌音台今代韻音急此二字可讀噫蚩可讀愛泰史記紕注音治江南呼欺曰詒通作紕三國志裴松之曰毛嘉蚩駮語輒自謂侯身蚩駮卽癡駮方言曰殘罵謂之鉗又謂之痲癡駮也景

純音吾駭反。此晉時語。昌邑王清狂不惠。注蘇林曰。清狂如今白癡。林字彥友。魏秘書監。則魏時先有白癡之語。

雉噫之聲。猶今噫之聲也。今與侯通。侯與唯通。○升菴引楊子與衝波傳。孔子雉噫之歌。彼婦歌是也。雉噫歌。歎聲。智按。子雲甘泉賦。列辛雉于林薄。卽辛夷。則子雲讀雉平聲也。且以足其歎聲之意。文心雕龍所引。噤噤雉雉。亦聲也。雉雉。蓋哈哆之轉。淮南。噤噤哆噤。正言開口出聲之醜。而高誘音權葵。夸麾。說文音哆。爲丁可切。皆非也。毛詩音扯。口微張貌。得之矣。如哈。今音台。不知本音蚩也。三侯。三今也。史樂書。高祖過沛。詩三侯之章。索隱曰。侯今皆語詞。沛大風詩有三今。按古今侯通用。侯又與

唯通。唯多作維。或用詩末。或用發語。唯從口佳聲。轉而爲應聲耳。本義固與噤通。唐歌于薦于。薦亦噤聲也。以六書本指論之。出口爲亏。啓齒爲兮。噉口虛送爲亏。滿口爲唯。後因唯爲應聲。故或用維。或用噤耳。呼與胡近。胡與喉通。謠歌鼓隳胡。卽鼓隳喉。可以推矣。開口或作伊。或作繫。或作於。或作爰。於爲歎詞。而輕則爲于。又轉爲爰。于時爰處是也。今亦作猗。亦作忌。秦誓斷斷猗。大學作兮。大宗師我猶爲人猗。詩叔善射忌。皆語詞。或以論語雌雉三嗅爲三噤。乃彼婦出走四句之後一章。

𠄎蓋區蓋也。○申公傳疑者𠄎蓋不言。如淳曰。齊人以不知爲𠄎。師古曰。非也。引蓋有不知而作。我無是也。用孔子之名。直翁

曰。止與區通。區蓋不言也。智按說文。止表後。有所藏匿也。區。踦區。藏匿也。從止音後。胡禮切。是凡言區者。有所藏也。荀子曰。言之信者。在乎區蓋之間。若依顏說。引孔子之名。而下連蓋字。則比六朝人之益合。要不通矣。止之與區。古人通用。楚元王傳。謂空爲止。王或傳。訓止爲區。刊謬正俗。言止區字。禹。余前論引詳悉。可以互證。

逗留。止也。○光武紀。逗留注。李賢曰。逗。古住字。今有豆音。以古之斗有主音。斗與逗通也。唐韻。收入宥韻。作逗遛。俗乃作逗露用。

揭來。忽來。猶何來也。○今語。詞用揭來。猶聿來也。楚辭。車卽駕。

今竭而歸。舊注竭去也。又呂覽膠鬲見成王於鮪水。曰西伯竭去。無欺我也。成王曰。不予欺。將伐殷也。膠鬲曰。竭至。成王曰。將以甲子日至。升菴曰。竭猶益也。以益而來爲戛勝。鄭氏曰。竭忽也。忽與竭同韻。不惟其義通。其音亦近矣。竭而歸。與膠鬲之言竭去。皆以忽訓爲順。文選注。劉向七言曰。竭來歸耕。永自疎顏。延季秋。胡詩曰。竭來空後辭。亦作忽來解佳。按竭從何來。何轉入聲是矣。得其原。又奚爭益與忽。

幾將猶言幾欲也。○荀子曰。時幾將矣。注將去也。此解非也。蓋言幾將是矣。歇後語也。列子注。僇成者幾欲之貌。漢郊祀歌。九荒賓將。將從也。北史將牢。太遇。言特牢耳。此各有聲意。不可

執一

危得猶言始也。○漢書宣元六王傳。我危得之。注危始也。我始得爲天子。猶今之言險不得之也。唐李抱真傳。餌孫季長二萬丸而病。季長謂太玄曰。危得。○後人曰。始字直如幾將之意。南史顏師伯樛蒲曰。幾得。

夔求。卽營求。謾充言營。營云勸也。○管子曰。謾充言心也。心欲忠。末衡言耳目也。耳目欲。○按從夔音呼正切。近兄去聲。營求也。又音絢。說文引。○則夔卽營字矣。典引曰。上哉夔乎。則言其廻遠也。○樂府于嗟夔兮。上林賦。夔遠去。夔與廻同。亦與一廻通也。蓋因營而轉爲上聲耳。

今作臽者誤。謾充當是營。六言心之營。來充動也。

讎夷之言。因於鴟夷。謂踞而熟視也。○淮南子。讎夷。熟視貌。按

夷者踞也。鴟夷爲壺名。亦謂踞地之象。故芋魁。庖還。亦號蹲鴟。

水經注曰。漢水之山。開山圖謂之仇夷。其頂平。有田百頃。煮土

成鹽。因頂平曰夷。夷踞。謂與地等夷也。王觀國學林新編論鴟

夷子。引范蠡及酒箴。升菴辨西施之死。以伍子胥曾盛鴟夷投

之江。猶未及墨子鴟夷一事。墨子曰。孔子怒景公不封已。乃樹

鴟夷子皮於田常之門。孔叢子作語墨。言孔子無此事。陳水南

辨鴟夷子皮。告闕氏之難。并范蠡。

每生。憑生也。○賈誼賊品。庶每生。孟康注。每生。食生也。班固敘

傳。每生有齕。又後漢孔融贊曰。豈有圓剗委曲。可以每其生哉。
史記作品庶馮生。馮猶憑河之憑。一徃憑恃之意也。方言憑齕。
苛怒也。楚曰憑。天問曰康回憑怒。蓋憑恃卽有怒意。淮南帽憑。
而爲義。言冒昧憑恃而爲之。則每生有冒生昧生之意。古尚書
昧昧。與梅梅媒媒。每每通聲。古人以聲狀義。多半如此。
墨尿。借雙器之滑。而狀人之詐也。○尿本屎。李士龍音你。絡絲
器。借爲多詐貌。列子墨尿單至。眠挺慙慙。娣斫穆愕。皆言詐狀。
孫恒寘韻收尿。乃利切。尿嚙多詐。方言央亡墨尿。姑猶也。戴侗
引墨尿音脊癡。何子元餘冬序錄曰。列子墨尿單至。眠挺。音脊
癡。戰啞。緬渙。皮日休反招魂。上暖妹而下墨尿。方子謙止收紙。

韻之棍。本作尿。而屎字下復云寘韻嚙屎。欺也。別見列子本乎。此大誤矣。顧遜園詮俗笑曰嚙尿音迷兮。亦是因訛而造。屎自有希音。民今方殿屎是也。說文引詩民之方唵。郭璞讀方言。脈錫如覓析。懜懜如麗醯。謂輕易蚩弄也。則與顧音嚙屎之意同。

溫蠖。言塵滓湫曲之狀也。○楚辭渙父篇安能以皓皓之白。而受世俗之塵埃乎。史記作溫蠖。朱子曰白音薄。與蠖叶韻。然或漢時楚人改之。必當時解溫蠖爲塵埃也。智謂北人讀白爲幫。該切。則正與埃叶。不必以此正史記之是也。甘泉賦天子璇題玉英。淵淵蠖濩之中。注屋中深廣也。黃公紹曰。刻鏤貌。此言溫。

𧇵者。溫去聲。言塵滓湫曲之狀也。郝氏謂溫𧇵之合音爲汚。
𧇵款。言𧇵式也。○秦權銘有曰不壹𧇵款者。皆壹明之。彥遠書
開皇二年。長安得秦權。旁有塗金鐫字。家訓所傳。𧇵從鼎。而此
從貝。壹從壺。吉聲專也。顏之推嘗被詔爲讀。謂史記隗林當從
權作狀。久遠書訛也。李元吉又得一秦權銘曰。平陽斤。其文同。
京兆田氏亦得銅𧇵有篆。卽秦權銘。說文作𧇵。省作𧇵。今所見。
權篆作𧇵。則𧇵反有自來矣。𧇵款。言天下不一。而𧇵于𧇵者。猶
𧇵式也。說文違背。宜作𧇵。智按此說是。一作壹者。取其文茂美
耳。嶧碑已用之矣。必以專壹解之者。彥遠之拘也。
銅𧇵。分析也。裁木爲器曰𧇵。裂帛爲衣曰𧇵。○漢藝文志曰。譬

者爲之。則苟鉤鉞析亂而已。警

音計

也。鉞

音狄切

破也。

智按

錫韻

不收。當是劈之鍾文。蜀都賊曰。鉞

覘兼呈。注裁木爲器曰鉞。裂

帛爲衣曰覘。鉞從辰。見方言。今作鉞。此二字他無合用者。太冲

取其爲梁益方言耳。升菴作版。版爪是韓道昭所收。從辰者聲。

從爪者意。

儻德猶儻德也。○儻與背倍北悖皆通。史記三王世家。毋儻德。

注。儻敗也。其寔與背字通。楚望引之。智又按班幽通賦。滔滔而

不葩兮。卒捐身乎世。葩。注。葩。避也。一本作腓。此亦悖字之義。履

按漢書作毋斐。德薄也。與菲同。

監寐假寐也。或作鑒寐。○後漢劉陶傳。屏營傍徨。不能監寐。南

齊成帝詔。永思民瘼。弗忘鑒寐。梁成帝詔。興言夕惕。無忘鑒寐。竝與假寐同。監視也。寐而未暝。故借監鑒作字義。

譙詬。言譙讓垢辱也。譙讓一作誚讓。○呂覽曰。雞狗牛馬。不可譙詬遇之。賈生集詬亡節。伍員剛戾。忍詢。詢詬皆與垢同。石奮傳不譙讓。一作誚讓。說文譙。燒譙也。讀若嚼。才肖切。誚古文譙。書曰。未敢誚公。讓相責讓。今讀上聲。

康回。言安思回邪也。圖廻。言回環匆思也。○久湫文康回無返。返卽道。釋者欲改康爲庸。非矣。猶左傳言州吁阻兵。而安忍也。荀子圖廻天下于掌上。廻卽回。墨子廻車。歐陽曰。古無廻字。蓋回卽雷。水回爲回。後人加別爲廻。天問康回憑怒。卽共工。

滿調猶誦調也。言詭謾而噤口也。○元命包醜至至。音臻言調調。

音到也。毛晃曰詆調也。丁度亦作調。調前書谷永傳滿調誣天。

唐郎餘令傳兄餘慶為交州都督有司馬裴敬敷與餘慶雅故

以事笞餘慶婢父婢方嬖譖敬敷死又哀貨無藝民詣闕訟之

使者按餘慶滿調則滿調即誦調也。誦古作謾。謾官切漢表有面

謾。急就有謾詭。音夷九章曰或詭謾而不疑。楚辭用慢詭。龜策傳

誕謾注誕一作詭。

午逢交午午割皆謂中分四逢也。旁午一作逢午。○禮記外傳

注主四向孔穴午逢相通內則剪髮為髻男角女羈注夾角曰

角午逢曰羈疏云儀禮注曰一縱一橫曰午言在頂正中角則

兩角相對。羈者隻也。旁蠡通音。亦謂直衝曰午。橫旋曰蠡。漢有交午木。亦指交午之象。特牲饋食禮。所俎心舌。去本末午割之。注午割。縱橫割之。勿沒。勿絕也。謂四破如剖瓜亦交午也。魏書張淵傳。或取證於逢公。或推變於衝午。謂午之對。衝爲虛宿。裨竈占知周王楚子死。

憚詭。猶弔詭也。○荀子憚詭注。變異感動之容。直翁引說文憚音革。今按說文無憚有諱。飾也。要也。讀若戒。北人讀革爲戒耳。革有極音。故亦稱極詭。莊子弔詭。舊說如弔由靈之弔。至也。愚謂弔詭。猶釣詭。今之釣譽。非詭而何。

熏轅。言熏灼轅轅也。○前書杜鄴奏方進熏轅天下。又曰熏胥。

又曰刻轆宗室熏轆卽熏轆也音歷轆爲車弓椽輪亦有轆輪而踐轆聲義皆通漢書得之重轆或言重椽可證也後漢馬廖傳聲熏天地隋書李德林傳崔謏戎騎餘五曰不得令李生怪人燂灼唐書熏爲太平宋表煙伺煙薰熏同

通悅猶輕脫也○王粲傳劉表以粲體弱通悅隋書陸爽傳侯白性通悅蜀志李譔體輕脫

渾脫猶言活脫也○唐郭山惲傳宗晉卿舞渾脫張洽舞黃麋王省曰長孫無忌以烏羊毛爲渾脫氊帽人效之號趙公渾脫如意初里歌曰黃麋黃麋艸裏藏彎弓射爾傷杜有公孫大娘渾脫舞詩渾脫者亦下戲拍張之遺也哀紀時覽下射戎戲甘

延壽傳試弁。注弁，手搏也。弁，下同。吳興有下山，形如弁。緯略作
拆戲。文按鞞鞞，以殺小牛羊爲渾脫。曰渾脫舞者，亦蕃語也。中
國渾脫，蓋活脫之轉。艸名活兌，音活脫，卽通脫木，言其靈通活
脫也。則當時人有此語可知。三國志子建見邯鄲淳，科頭拍袒，
正拍張渾脫也。

論倫，辨而有序也。○樂書論倫無患，論雅頌之詞。倫，律呂之音。
郝氏曰：論，辨也；猶皦如也。倫，序也；猶繹如也。此解是。鄭氏易屯
象以經綸，陸德明曰：一本作經倫。

磨竭，忌犯也。○梁書太清元年，行大捨，曰羯磨。東坡志林曰：退
之詩云：我生之辰，月宿直斗，乃知退之磨竭爲身宮，而僕乃以

磨蝸爲命。平生多得謫譽。始同病也。術家之磨蝸。本於羯磨。梵云羯磨。此云作白。作白。猶布薩也。受戒三番。每月自白其所犯。作白。令其白也。

歎欽。猶歎歎也。○伯牙水仙操曰。歎欽傷宮。仙不還。伯姬引。亦用歎欽何辜。說文歎歎。歎才六切。歎卽嗚。說文又有歎。則嗚乎於戲。嗚嗚歎歎。一也。漢樊敏碑。歎嗚懷氏可證。

听然卽鞞然也。哈嗤也。○呂安謂嵇康。我輩稍有菜色。反爲肉食輩所哂。通作听。上林賦。無是公听然而笑。注作斷。齒本也。又通作引。晉書王猛辭司徒疏。田千秋一言致相。匈奴引之。又通作矧。曲禮笑不至矧。注齒本也。大笑則見。宋書王弘傳。孫叔未

進優孟見欤。又通作𪔐。音莊子桓公𪔐然而笑。一本作𪔐。左思東吳王孫𪔐然而哈。並與哂通。此字當從說文之𪔐爲正。笑不壞面也。通作矧。別作哂。𪔐听𪔐。𪔐通作矧。楚人謂相笑爲哈。楚辭曰眾𪔐所哈。舊音胎。余按卽是𪔐字。古台音怡。觀今治怡之音。則可想矣。

𪔐。𪔐大笑也。○魏志注裴松之曰。鍾繇得書𪔐𪔐。陸法言曰。𪔐𪔐大笑也。班伯談笑大𪔐。或作𪔐。通作谷。𪔐亦通作𪔐。廣韻曰。𪔐𪔐大笑也。校獵賦注。口中之上下曰𪔐。則是嘉肴脾𪔐之𪔐也。余嘗不解笑字之義。以爲竹得風而笑。未敢安也。長箋曰。笑竹筍放二葉也。漢書多作𪔐。薛宣傳臺关相樂。注关古笑字。則

當以咲爲正。宋溫革隱窟雜志。塗抹鞋底之事。傳爲嗚嚙。嗚乙骨切。張彥遠載唐元威論書曰。許慎門徒。居然嗚嚙。

盧胡。笑在喉閒聲也。○後漢應劭傳。宋愚夫寶焚石。緹縉十重。觀之者掩口盧胡而笑。孔叢子曰。盧胡大笑。按胡。喉也。漢書。捫胡。捫其喉也。盧胡。正狀其掩口之聲。或曰。狼跋其胡。亦跋其喉閒肉也。喉閒肉垂。故云。又曰。掩口則笑不出聲。非哄然大笑矣。軒然。軒渠也。○後漢方技薊子訓傳。軒渠笑自若。天祿閣外史曰。韓王軒然仰笑。卽軒渠也。軒本前昂。故借爲軒軒與軒仰也。東坡書山谷艸書後云。他日黔安見之。當捧腹軒渠。正用此字。捧腹出日者。傳黃朝英曰。軒渠字義。舉體就之也。

與謗邪許舉重唱呼也。○舉大木者前邪後許邪在中原韻爲享遮反。許音虎。古詩紀有邪許歌。又有噓喚歌。注與邪許同。劉晝曰。牽石挖舟必歌噓喚。昔有謂聲重爲邪許。聲輕爲噓喚者。由今論之。噓喚亦不讀作許與矣。凡將篇曰。淮南鄭蔡舞噏噏。樂苑載噏噏於遮皆曲名。是皆指其聲也。南史曹景宗傳。宅中邪呼。可以知亨遮之音矣。樂府有企噏歌。當亦噏噏之遺。呂覽淫辭篇。舉大木者前呼與謗。後亦應之。淮南子作邪許。方子謙曰。今人上梁之中。稱兒郎偉。卽邪虎類也。此何孟春說也。噏費猶出納之吝也。○太冲吳都賦。簡其華質。則噏費錦績。呂延濟曰。噏費依稀也。按方言貪而不施曰噏。或謂之嗇。噏音意。

漢書不足以壹費訛爲亂。方言臆造而左思采獲之耳。

震攄猶擧挈也。○蜀志許慈胡潛時尋楚撻以相震攄。攄虛晚反。孫恂曰以手約物曰攄。說文有據字因掀重其聲卽據也。巨言切。漢書矯虔吏卽橋據也。趙氏曰吳言以肩負重曰據借相訐告曰據。孫恂不收據字增攄字或曰攄乃擧字之轉耳。擧但當作擧。

敷歷言明揚閱歷也。○汪太函李本寧阮邵或下筆嘗用敷歷中外後人襲之訛爲敷歷又訛讀爲踢歷殊可笑也。按溫公鑑牛仙客加尚書九齡曰惟舊相及敷歷中外者爲之。按說文敷古文揚與章切敷侮也以鼓切今人讀踢歷者固非卽讀試歷

者亦非。若以書序有歷試諸艱之文，則當用歷試。何必跋歷。豈張曲江誤邪。跋歷則是備歷矣。溫子昇舜廟碑。感夢長眷。明敷
么陋。可證。

介倪。猶那倪也。○莊子曰。馬知介倪。音義云。介倪。猶那倪也。崔
云。介出俾倪也。介音戛。愚謂讀如戛。嚙韻會。隍作鰥。集韻又作
挽。可證。

拱押。猶拱挹也。○荀子議兵篇。湯武之誅桀紂。拱挹指揮。伸長
統傳。拱押天人矣。注。拱。執也。押。檻也。此不知古音也。邑有壓音。
拱押。卽拱挹之轉也。挹。本與揖通。晏子曰。下車挹之。卽揖也。或
曰。拱押。卽檢押。楊子蠡廼檢押。注。嚙括也。

奎梁卽陸梁也。陸溺猶陸沉也。○史記南越陸梁言屈強也。說文奎訓下一曰奎梁此自是古人口語也。東方朔歌陸沉于俗。桓溫言神州陸沈言陸地沈陷也。鵠冠子用陸溺亦是此意。直祿尸祿猶持祿也。○漢書馬宮傳贊醢藉可也。然皆持祿保位。鮑宣傳默拱尸祿。朱靈傳亡以益民皆尸位素餐。許后傳曠職尸官。師古皆曰尸主也。智謂惡之之辭。蓋謂行尸持祿耳。韋賢傳曰豈不牽伋亦云主伋乎。管子曰上惛則隙不計而司聲直祿謂言者素餼也。郊祀志郊鼎銘張敞迹古文曰王命尸臣官此枸邑。師古曰尸臣主事之臣也。此則主訓爲是。拊臈猶拮隔也。○荀子尚附之臈。司馬貞曰拊臈謂懸鐘格長。

楊賊拮隔鳴球。師古曰拮隔。擊考。公紹音拮爲憂。

睢刺。旣亂也。○南都賦。天地之睢刺。大史公書。私心刺謬。劉向傳。朝臣舛午。膠戾乖刺。此數刺字。皆讀如謚法之刺。從束從刀。音卽逢切。與刺字不同。刺繡刺面刺船。皆七迹切。謁人名刺。則音次。以刺刺別之。

些之助辭。猶斯也。○楚辭注音。蘇个切。韻會又入麻哥霽韻。存中曰。夔峽湖湘人。凡禁咒語末。皆云娑娑訶。三合而爲些也。巖下放言非之。博物志有止些山。杜詩和親邏些城。則因羅娑川而借用也。其實些字之音。本于斯字。張氏曰。詩恩斯勤斯。彼何人斯之類。竝與些同。方子謙曰。斯字亦在先韻。音鮮。詩有鬼斯。

首箋云斯白也。今俗語鮮白之字作鮮。齊魯之間聲近斯。孔穎達曰。鮮而變爲斯者。齊魯之間其語鮮斯聲相近。歌韻叶音梭。孔子臨河歌。狄之水。今風揚波。舟楫顛倒。更相加。歸來歸來斯爲斯。斯合韻音莎。如楚辭之些。此知些梭斯鮮爲一音也。俗今以少爲些。漢左雄傳。鄉官吏部職斯祿薄。言官小也。斯與些同。凡時少曰斯須。物少曰些須。其義本同。一聲之轉耳。晉後則專用入車遮韻。升菴引唐人豈豈爲些字。智則以些爲古些字。見石經。些些有屋。

惘疑。猶洞疑也。陰喝。猶虛喝也。○遷後小序。惠之早實。諸呂不合。大臣洞疑。遂及宗禍。此得力大臣之疑也。國策蘇秦說齊宣

王曰。惘疑虛喝。高躍而不敢進。注喝一作渴。惘痛也。言疑之甚也。智謂惘正是史記之洞。言秦以虛聲喝齊。故作險譎溪洞之謀。使人疑也。竇憲傳。陰喝不得對。喝又作渴。王子侯表。平城侯禮。河閒憲獻王子也。坐恐獨取雞兔。葛魁侯寬。坐縛家吏。恐獨受賕。棄市。升菴引此表。恐獨作患獨。

供張。供具張設也。○疏廣傳。供張東都門外。黥布傳。供張如王者。居龔。遂傳。王生爲水衡丞。典上林禁苑。其張宮館。張去聲。左傳。張吾三軍。又曰。羸師以張之。班超傳。雄張南道。張絃亦曰張。侯鯖錄載晏叔厚詩。主張繁華得幾時。亦用去聲。左傳。君謂許不供。供亦去聲。漢文帝詔。其養於高廟。其養長信宮。華嚴法供。

東坡怪石供皆去聲。

梯几。凭几也。○山海經。西王母梯几而戴勝。注。梯几。凭几也。說文。凭。依几也。皮米切。周書。凭玉几。今文作馮。馮。馬行疾也。俗又加作憑。而不用正凭。似以凭爲俗。何也。梯言斜倚也。古從梯從夷相通。如梯一作穊是也。古謂階如梯階。梯亦斜倚之意。汗邪。猶甌臾也。○滑稽傳。甌窶汗邪。甌窶音樓。高地狹小之區。汗邪。下地也。智謂汗邪當音汗臾。古家麻韻歸奘模韻。歷書。歸邪於終。邪音餘。此明證也。流丸止於甌臾。正謂平阜而中圻爲能止丸也。淮南曰。屬臾之貌。注。恭也。或曰猶甌臾。以其爲平阜。故以比龐厚之貌耳。

支闕猶𧈧礙也。○陳遵傳一旦𧈧礙。𧈧音絹。隗囂多設支闕。支與𧈧皆言其有枝角。易垺碍也。虞詡謂太守乞不拘闕。卽礙也。後方術傳序雖云大道其碍或同。隋設無垺大會於太極殿。注垺與碍同。法言曰無所繫軻。智亦曰碍也。俗作碍。測術有曰𧈧術者。言垺於空中而算得之。

砥屬平服也。○史記五帝紀莫不砥屬。注砥平也。四達皆平而來屬服。砥音止。一作底。說文柔石也。與底別。底在薺韻。其在紙韻作底者。底柱也。音諸市切。敬甫言古不分底底。而後人分之。史記抵掌而談。抵音止。今多讀底。或分抵抵。本自通聲。

剗義以義斷制也。○顓頊紀依鬼神以剗義。索隱注。剗古制字。

淮南主術篇曰。人君揀策廟堂。剗有司。高誘注。剗音端。此以聲言也。六書故。但有制爲古文。以剗爲朱遄。音充二切。說文剗。斲齊也。響。剗戔也。如此則剗竟是剗字。兩注皆失之。法言因魯仲連易而不剗。注曰古制字。余亦作剗字讀。蓋古者專端不分。猶止區魁渠之聲。如湍與溥。甄與甌之類。可推。若以爲古制字。則形近而訛。或連義而借也。因剗制而卽以剗爲制。猶飄渺而卽以飄爲抄。然此例斷不可用。○莫敖子華曰。葉公諸梁。身獲於表薄。而財於柱國。柱表。野外。薄林也。言其初起側陋也。周勃傳。織薄曲。薄。葦薄也。韋昭曰。北方謂薄爲曲。其稱林薄者。木爲林。艸爲薄也。

廝𠂔當是𠂔。○筆談曰：西戎用羊卜，謂之跋焦。卜師謂之廝𠂔。智按：說文引書七叶疑，集韻或作𠂔，通作稽。今稗海注𠂔，音必定反，非也。緯略宋祁言：蘇頌頌曰：有𠂔虞氏，不識𠂔字。後得楊備古文尚書釋文，乃知爲稽字。此開元以楷易古文之失也。𠂔靡如梯之靡也。○埤雅曰：列子因以爲𠂔靡，𠂔讀如稊。詩言稊莠，稊莠也。月令靡草，故知與頰靡義通。智按：莊子應帝王，因以爲𠂔靡。注：𠂔作頰。一本𠂔作龜，蓋篆𠂔從𠂔，𠂔又從之。此乃古文之近者，以𠂔頰稊音近，相借耳。

揃撻欲其妍澣也。○謂鬢拔斜髮也。小顏曰：去其不齊整者，使其妍澣也。澣，才性反，卽靜字。石鼓詩澣字，卽澣也。莊子外物篇。

皆搯可以休老。皆一作揃。三蒼曰揃。猶翦也。字林曰批也。千米反。公紹引莊子皆搯。曰搯。搯也。伯厚解急就自序。揃搯之所出。取於莊子者此也。智以揃卽剪字。前從刀。後乃俗字也。左傳翦滅此而朝食。公紹曰當作揃搯。史記成王病。周公自揃其蚤。投之河。李愬曰。吾先人曾以揃大盜。

主臣。皇恐也。○陳平謝曰主臣。注主。擊也。臣。服也。言擊服惶恐也。此說甚曲。智謂發語敬謝之辭。猶主在上。臣在下。自然敬恐也。凡夫曰。當是草書皇恐二字。訛爲主臣。

句貸。猶假貸也。○朱建母死。句貸服具。貸。師古曰。音土。待反。史記作貸。蕭何傳客又說自污貫貸。皆謂借貸也。樓護傳。使郡國

獲假貸。注謂官以物貸貧人也。韓王信傳。旦暮乞資蠻夷。主父
偃排擯勾貸。一用勾資。陳湯傳。勾資無節。朱買臣上計吏。要乞
勾之。春秋傳。夾疾狂鄧。不强勾。廣川王越傳。盡以等繒。勾諸宮
人。注勾與也。竇或勾施貧民。亦與也。漢高或負貰酒。相如就陽
昌貰酒。石氏賒貸郡國。貰卽賒也。古人用去聲。若楊終坐事。貰
出之。晉周敏劾阮裕。謝安上貰之。此借作赦字用也。舊說乞音
氣與也。音乞求也。按乞如字。求也。其與人之乞卽給字。晏子曰
免粟之食飽。士之一乞也。炙三弋。士之二乞也。五卵。士之三乞
也。嬰無倍人之行。而有三士之食。注乞與給同。謝安曰。以野乞
汝。杜詩。願有蘇司業。時時乞酒錢。皆給也。郊是卵。

都養。扈養也。○公羊傳廝式支切。又去聲。役扈養。韋昭曰析薪爲廝。炊烹爲養。張耳傳曰廝養卒。亦賤卒通稱耳。倪寬爲弟子都養。亦謂炊食。淮南子儲與扈治。扈治。褒大意也。跋扈之扈。亦是大意。

掉磬。𦵏許也。○見周禮介婦注。雖有勤勞。不敢掉磬。庾氏云。齊人謂之𦵏許。崔氏曰。北海人謂相激之事爲掉磬。隱義曰。相絞許爲掉磬。卽賈生反唇相稽之意也。今人許辨謂之掉舌。或謂之刁官。刁卽掉之轉。官去聲。亦磬之轉也。

趲張。斜大而撥弩也。○漢令曰趲張百人車者切。距也。韻會音恥格切。在陌韻。跬步也。毛晃曰。半步也。一曰距也。梅氏音且去。

聲以手發弩曰擘張以足發弩曰蹶張空手拳舞曰拍張

通雅卷之四終

通雅

卷之四

釋詁

二

四絲

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

四

通雅卷之五

桐山方以智密之輯著

同里姚文燮經三校訂

釋詁 古雋

淑離言獨善也。○橘頌篇曰：淑離不淫，梗其有理兮。注：淑，善也。離，離立，猶孤特也。梗，強也。智以梗爲橘梗，解爲強者非。

洒淅，治路也。○漢律曰：及其門首洒淅。說文：淅，所以壅水。山責切。孫愐收入陌韻。毛黃皆畧之。

冰衿，猶言冷也。○世說曰：却鑒欲規王導，意滿口重，言殊不流。王勸郗莫談，郗大瞋。冰衿而出。樂預傳人笑褚公，至今齒冷。雲

臯書氷衿齒冷正用此。

搏擻揭持也。○孫臏傳曰救鬪者不搏擻。

訖逆切

子雲賦擻膠葛。

五行志物如蒼狗。擻高后腋。通作戟。戟古作戟。詩傳注戟揭。

居足切

切

弊梗。弊敗梗塞也。○管子春令謹禱弊梗。謂時方開通而有弊

敗梗塞。禱神以通之。文瑩以繁華對弊梗。

批伢。椎擊其要也。○淮南曰解捽者不在於捌格在乎批伢。高

誘音沈。韻書皆無此字。說文有捽字。竹甚切。深擊也。又蕭韻又

作𢱳。今唐韻沁韻惟有捽字。史記右手捽其胸。捽卽伢也。批又

作搥。搥以指也。孫臏批亢擣虛之批。則又音薄結切。直翁以爲

批與抄揆之抄通

龔集雜還而至也。○趙古則以龔爲集。升菴非之。按許善心神
雀頌曰。嘉貺龔集。龔音雜。龔乃集字。

詰竄猶苦竄也行蔽言脆薄也行竄猶行濫也。○漢書曰。江南
民詰竄媮生而無積聚。顏籀曰。短弱也。詰竄音紫愈。舜作什器
于壽丘。器不苦竄。苦讀如監。粗也。病也。史記貨殖作些竄。荀子
曰。竄梏不便利者弱。梏與苦同。唐韓琬傳器不行竄。又默啜寇
嬀檀曰。與我金銀器皆行濫。三省注曰。市列爲行。行作濫惡也。
郭璞曰。勞苦者多情竄。又注。龔爲脆。謂物之行蔽也。言行蔽也。
焦澹園曰。懶人不能自起。如瓜瓠在地。又懶人恒在室中。故從

允觚。攻苦卽功沽。

斡綽綽卽祈綽綽。謂盤旋而延長也。○晉姜鼎銘百二十一字。中有取乃吉金。用作寶尊鼎。用斡綽綽眉壽。保其子孫。三壽是利。伯碩父鼎銘五十字。惟六年八月初吉巳子。史伯碩父追孝于朕皇考。釐仲王母乳母尊鼎。用祈丐百祿眉壽。綽綽永命。萬年無疆。又孟姜敦銘。叔孫父作。孟姜尊敦。綽綽眉壽。永命彌生。綽綽甚古。今工云綽綽雷文。謂貫穿也。又伯碩父鼎。斡丐百祿。釋作祈。困學記聞引石湖曰。綽綽是古人祝延常語。按漢書安世房中歌。克綽永福。師古曰。綽綽也。亦謂延長。蓋在鍾鼎雲雷回互之文。謂之綽綽。取其盤旋延長之意。

媒但詭譎也。○鴻烈解曰：媒但者，非學謾也。但成而生不信，高誘曰：但猶詐也。智以但與誕通。說文：誕，詞誕也。徐曰：妄爲大言也。然又爲語詞，如誕寘之隘巷，明借用誕，是發語之誕，乃借但之音，而媒但之但，乃借誕之義也。但又與亶通，又與遄通。說文解曰：古文但爲祖字，祖爲綻字，以是知但字轉通多也。鹵簿有誕馬，亦謂但引馬不騎也。媒但之媒，則取媒孽之媒意，蓋齊人名趨魃爲媒，謂釀蓄詭詐也。

厭案，摩服也。○國策曰：舉左案右，舉右案左。厭案，萬乘之國，厭音益，涉反。與揖按通用，卽按驗也。又通作頽。史：西南志傳：秦嘗

類纂通五八道注音按

通佳

卷之五

釋詁

三

通雅
卷之三
登來立至也。○公羊隱五年登來之也。注登讀言得來。齊人名求得爲得來。作登來者。其言大而急也。今廣州諺以來到爲登。按薛用弱集異記。叙蕭穎士遇二少年。登令召至。邢曹進夢僧拔眼鏃。及寤。登言于鑒薛。唐人可知彼時多以登爲立至之義。登得之聲相轉也。

遺苞。言苞苴也。○字苑云。韃苴履底。因說文履中艸之訓也。孔叢子。吾于木瓜。見苞苴之禮行。詩箋以果實相遺者。必苞苴之。故曰遺苞。言以此苞相遺。管子曰。大凶則衆有大遺苞矣。注升斗包裹以相遺。春官菹館。注杜子春作菹飽。茅裹肉也。則菹飽卽菹苞。

輶錄拘樓之轉也。拘樓偃樓之轉也。○丁度曰：拘樓聚也。言卷聚也。荀子：輶錄力病。正言拘樓用力之疾也。偃樓或在語韻或在尤韻。古多通用。抱朴子言：拘錄則術家拘覓之術名。

乾沒猶言白沒之也。○張湯傳始爲小吏乾沒。如淳曰：豫居物以待之。得利爲乾。失利爲沒。此解非也。鵲謂乾沒如陸沈。隋書王劭贊：乾沒營利。宋子京撰劉待制墓銘：吏得傍緣乾沒。乾猶言乾得之也。沒猶言沒爲已有也。今人動言落錢。沒卽落字。意乾從幹得音。本音干。借爲乾卦之名。音虔。集韻乃更作乾字。俗分乾字。或又分乾字。皆非。

臯牢。或作膠俾。猶牢籠也。○馬融傳：臯牢。陵。注：音臯。牢。

子臯牢天下。郭璞注方言曰。僂侔麤大兒。僂洛膠反。則臯牢之聲也。淮南子牢籠天地。高誘注牢音雷。楚人謂牢曰雷。此自方言。然須知古牢有留樓之音。易林同枕其牢。叶子孫封侯儀禮士喪禮握手用玄纁裹長尺二寸。廣五寸。牢中旁寸。注組繫。鄭注牢讀爲樓。樓爲削約握之中央。以安手也。今文樓爲纁。旁爲方。惠曰臯當作臯。

啻提猶諦視也。瞻諦言風止也。昧掃猶言未審也。○說苑扁鵲曰。于物故有味。掃而中咬頭。韓詩外傳作昧投而中蟲頭。毛傳提提之。詩曰。媿媿安諦。謂行步安舒而審諦也。魏志韓宣閔潦障扇。不避曹植道。文帝免其縛。禪腰不下而去。帝曰。此家有瞻

諦之士也。張融風止詭越。可動瞻覬。言風度舉止也。說文宮覬也。方言憇覬審也。證覬覬也。吳越曰證覬。郭璞曰亦審覬。牙見其意也。音帝。智按諦諦覬一字。牙見者互見也。

以膈合驪。言調和也。○莊子宋鉞尹文以膈合驪。以調海內。注膈和萬物。合則驪矣。此字從月。而丁度遂收作𦔻。公紹收作𦔻。一從耳。一從目。今字彙耳部目部竝載之。竝引莊子。卽以二者言之。必有一訛矣。論其義則膈和正調和也。又有唐韻足證三家之訛。更何疑乎。膈熟煮也。方言秦晉之郊謂熟曰膈。左傳膈熊蹯。史記膈熊蹯。內則濡豚。注濡讀爲而。集韻作𦔻。𦔻膈。廣韻亦作膈。𦔻龍龕亦作𦔻。

希顏猶之希世用事也。○公孫弘傳希世用事。晉虞溥傳希顏之徒。希皆與晞同。說文晞望也。海岱之間謂盼曰晞。

淹數言遲速也。○數讀如速。曾子問不知其已之遲數。注讀爲速。集韻曰速古作警。籀作邀。通作數。賈誼賦淹數之度是也。

呼灼猶呼暴也。○灌夫傳諄服謝罪。注晉灼音服爲灼。灼與考工薛暴之暴同聲。音弼角切。關西俗謂小兒啼呼曰呼灼。

握齟猶握齰也。卑陬乃迫切之轉也。○司馬相如傳委瑣握齰。廣韻齰齟迫也。酈食其傳間勝梁將皆握齟好苛禮。注急促之貌。荷與苛同。增韻或作離。引前酈食其傳握離好苛禮。今無此字。或所見有別本乎。唐玄宗泰山銘方士虛無。儒書齰齟其曰

趯起樸樸局促卑陬皆是者。非也。卑陬乃迫促之轉也。莊子注亦未注明。郭若虛畫記。趙邈齧以不修飾稱。正握齧之聲也。今俗有此語。齧當從取。今監本皆齧。

蹕絕。猶蹕蹕也。趨趙猶釗超也。○蹕勅角切。孔光傳蹕絕之能。韓文集序曰。汗瀾卓蹕。莊子跼蹕而行。楚辭曰。春秋遶遶而日高。霍去病遶行殊遠。遶與蹕同。趙岐注孟子曰。子張蹕蹕。蹕蹕不常也。京山曰。挾泰山以超北海。超卽掉字。聲轉有之。智又謂與趙釗通。方言釗超遠也。說文趙趙怒步也。趨趙也。則釗正趙之音義。詩其尉斯趙。則是釗字。朱氏謂趙卽道。則或先有肖聲。吟嚙呻呼。衆聲也。一作唵嚙。喔咿嘯呢。在喉舌間也。○見列子。

呻吟呻呼。升庵引列子注作唵嚙。余嘗曰。呻吟。語含口也。嚙。寐語。謂語不成句也。呻。條。呻而唸也。呼。有聲而無字也。呻吟。庵。唐楊場傳。公卿呻吟默唯唯。可知四字爲形容嘯嘯之聲。長箋引卜居作促訾凜斯。喔咿儒兒。此皆形容之詞。栗斯一作栗斯。以聲狀之。無不可者。豈必改訂附合。

擻揅挺捫。以手狀之。○淮南子曰。擻揅挺捫。世之風俗。言求利便之狀也。擻。徒含切。周官擻人。掌誦王志。道國之政事。以巡天下之邦國而語之。陸氏他南切。與探同。徐本說文曰。探也。唐本曰。捫也。孫氏他紺切。揅。音閃。可上可去。此用擻揅。當讀探。揅。挺捫。皆上聲。

譏極凌詆。以言狀之。譏極。一作譏極謾喫。○列子曰。譏極凌詆。好陵辱責罵人也。詆字張湛音碎。字林及殷敬順音萃。公紹收昨律切。賈生之亂。亦用詆曰。注告也。史記作訊。極吃也。說文曰。急性也。方言。譏極吃也。或謂之軋。謂之齧。郭璞曰。江東曰噉。皆謂口吃。好言之狀。長沙吊屈。而亂辭用詆。正謂狂憤無聊之至。朱子釋告。尚不足以盡其意耳。升庵因史漢同異。必以爲詆卽訊字。此不必也。蓋有孟堅所改者。如灌夫畢之。卽屬之乎。世說張敏集。頭責秦子羽文。或謾喫無宮商。喫廣韻音敷。

喑噴爲小聲。嘖喑則爲大聲。咄喑則爲叱聲。嘖喑一作護諧。咄喑一作咄嗟。咋喑。啗啗轉爲叱。咤猝嗟。○信陵傳。晉鄙嘖喑。司

馬氏曰。多辭句也。嘍。屋號切。喒。側伯士革二切。聲煩雜也。亦作嘖。昨。傳曰。嘖有煩言。亦爲歎聲。說文曰。嘖。大呼也。或作讀。諧。大聲也。集韻曰。喒。歎聲。合溪曰。爾雅行扈喒喒。白居易詩。嘖嘖雀引雛。樂府烏生篇。喒我是也。皆是細微之聲。傳曰。季植子昨。謂林楚。蓋噤口聲也。許氏大呼大聲。不知何據。合溪迂矣。古人借音開合。隨時形容。何必以字同爲碍邪。柳子厚。晉問跳浮嘍喒。旣云跳浮。豈小聲乎。喒。我惜我也。斂口之聲。與喒喒同狀。細微嘖嘖也。嘍喒則喒隨嘍音。大呼大聲也。當以側白之切爲是。故丁度作護諧。正欲別之。若咄喒則音啻侘。晉書咄嗟而辨。集韻作昨喒。古樂府作咄喒。孫權見呂蒙病中咄喒。靈光殿賦。綠房

紫葳。窸窣。垂珠。潘岳芙蓉賦。窸窣星羅。韓信傳意。烏猝嗟。卽啗
啞叱咤也。嗟從差。本可差去聲。而人忘之。因所習深耳。劉貢父
以司空圖咄喏而辨。斷石崇之咄嗟而辨。爲誤。則又拘泥可笑。
啗齧。噉獲。卽噉啗之聲。而痛言之也。○此見宋玉風賦。蓋形容
小民被雌風愁病中風。促口嚼齒之聲狀也。漢灌夫傳齧舌自
殺。史作齧舌。通作咋。荅客難曰。狐豚之咋虎。此齧之本字也。風
賦語意。齧因啗聲。獲卽噉聲。言其嚼齒欲啗。促口噴噉。累而狀
之。古人無此成語。自玉輦創撰。下字之驚厲痛切如此。必曰獲
得也。豈能曰噉而有所得乎。惟聲音可通。古今人物之情。文字
其寄託者也。卽此小節。可見一端。

担橋。矯然飄拂之意也。矯虔。應作橋據。○楚辭遠遊曰。欲度世以忘歸兮。意恣睢以担橋。担。丁但切。拂之重也。橋。居桀切。朱子曰。担橋。軒舉也。愚謂担橋者。有拂袖揮塵。矯然高放之意。橋。居小切。猶矯也。說文曰。舉手也。一曰擅也。史記舌矯然而不下。漢書矯虔吏。乘執以侵下。此因書之奪攘。矯虔以生意也。考工記曰。橋幹。欲熟於火而無羸。橋角。欲熟於火而無燂。士師之八成。五曰橋邦令。皆矯枉矯激之義。強哉矯。與矯矯風節。則贊詞。非專爲矯強也。但以矯反其偏。釋橋。則義漏矣。莊子喬詰卓鷖。喬亦音矯。說文因矯虔有據字。

煩擱。猶接莎也。○字畧云。煩擱接莎。此見詩薄汚我私。注煩擱。

也。援卽援字。援音儺。謂摩援也。禮曰共飯不澤手。康成注曰澤。援莎也。亦作摩挲。卽摩援也。廣韻捫或作孺。公紹音捫爲而宣切。唐藝文志。齊孺道真。集韻亦作換。換孺又音乃度切。集韻作換字。誤矣。晉書劉裕與劉毅。樛蒲裕援五木久之。王珍國張稷以黃油裹東昏首。遣范雲送石頭。右衛將軍王志取庭樹葉援服之。僞悶不署名。身之曰援。奴禾反。西涼李嵩謂梁中庸曰。我何能千里外。援長繩絞其頭邪。成式用援。援卽援挲。

根格猶批根也。○毛晃曰。吳楚俗謂牽引前卻爲根格。博雅曰。根。樛引也。韻會引灌夫傳。引繩批根。根與根通。根胡恩切。格曷各切。轉注略曰。今本誤作根株之根。非也。黃山谷送公定詩。引

繩痛排根。自注根音病。今宗吾刻本一條字字作根。不又誤矣。
山谷謂排擯也。愚按從良當以痕狠良爲聲者近。山谷之音未
敢信。

連舛。謂宛轉連環也。○莊子謬悠荒唐。無端崖之辭。不傲倪于
萬物。其書雖瓌瑋。而連舛無傷也。注舛音汴。言書雖驚世駭俗。
而善體物情。連環宛轉也。毛晃竟收入元韻。以舛音翻。不知何
據。章黼韻舛卽權。音歡。卽權忤。本相通。而後人分爲二音。並用。
心儀。心擬也。切擬猶比擬也。○漢外戚傳。皆心儀霍將軍女。儀
音螳。卽心擬也。高唐賦。殊爲物類之可儀。與互折會累叶。則亦
音擬。擬議有揣度準擬之意。故有比擬借擬之意。通作比擬。舞

賦經營切儼。記曰儼人必於其倫。食貨志遠方之能疑者。竝舉而爭起。師古曰。疑讀曰擬。蘇秦傳。疑於王者。从擬轉疑。疑故儀禮疑立。卽疑立。禮記疑丞。卽疑承。

枝梧。猶支拄抵梧也。○項羽傳。莫敢枝梧。注如淳曰。音梧。臣瓚曰。小柱爲枝。邪柱爲梧。字當作梧。司馬遷傳。或有抵梧。注師古曰。抵。觸也。梧。相支拄不安也。方言。支。註謂以言語支拄也。史記序。今屋梁上斜柱是也。斜觸謂之梧。下觸謂之抵。抵梧。言其參差也。枝。言枝梧也。說文。嬉。字訓。好枝格。人語也。凡夫因玉篇。疑伎也。疑爲伎格。非矣。

摸捺。捫捺也。○此解見唐韻韻會。今俗實有捫捺之語。南史。暗

中摸索始有此二字。戴氏譏爲俗字。余以爲卽摹字。楊子三摹九据。今特移手于旁耳。後人特轉平聲爲入聲。如蘇味道摸稜。尚是平聲。增韻又載摸擬。卮言盧氏雜記。味道拜相時。以手摸牀稜。焦氏曰當作莫索。漢逢盛碑。摸作罔。

鄭重卽珍重之轉。漢注頻煩。猶言殷勤也。○漢王莽傳稱。非皇天所以鄭重降符命之意。注云鄭重。猶言頻煩也。顏氏家訓云。吾亦不能鄭重。聊舉近世切要。以啓寤汝耳。沈存中筆談言石曼卿事云。他日試使人通鄭重。則閉門不納。亦無應門者。魏志倭人傳云。使知國家哀汝。故鄭重賜汝好物也。智謂鄭重乃珍重之轉。芥隱筆記引樂天謝吏順之。送紫霞綺詩云。千里故人

心鄭重。可知卽珍重矣。

遮莫猶言儘教也。蓋侔莫也。○陳騭雜識云。方言侔莫強也。若云努力。樂肇言勉強爲文莫。儘教卽是強意。猶解鄭重爲頻煩。當以言外會之。干令升記。雷孔章謂茂先以犬誠狐。狐曰遮莫干試萬慮。則自晉人已有此語。不自遮莫。鄰雞下五更也。或曰遮莫猶諸莫也。方言拏摸言持去也。諸莫亦拏摸之聲。若公莫篇。則曰公莫舞。公莫舞非此解矣。

八米當是八采。○姚寬西溪叢話曰。八米關中語。歲以六米七米八米。分上中下。北齊盧思道。文宣帝崩。文士各作挽歌。魏收陽休之。祖孝徵。不過一二首。思道獨有八篇。時人稱爲八米盧。

郎唐張祐寄載詩少見雙魚信多聞八米詩智按吳虎臣以孔
殺父續世說載北盧思道此事作八米又以五木戲其八爲氓
米王采之中有采曰白因謂之白八近時姚寬蓋臆說也而今
之古詩紀仍刻西溪叢話

健慕猶健羨也○徐文長路史載健慕見廣記智按關尹去慕
文子忘鍵皆本史記去健羨也莊子韉韠與適莫畔羨同旨去
健正謂去鍵

解何問其何分疏也○匡衡傳樂安鄉閭伯爲界聽曹爲之解
何猶分疏也張辟疆謂陳平曰解未言能解否也膠西王傳故
爲無訾省猶言不省事也說文妍一曰不省錄事也可以推知

省錄事爲漢人嘗語。

于諸寘也。于遮卽于諸之聲也。○哀六年公羊傳于諸其家何休注于諸寘也。齊人語也。六飲疏曰紀莒之間名諸爲濫內則桃諸梅諸言乾蕃者曰諸賈誼偏諸襍也。光武紀諸于半臂也。相如賦于遮注曲名亦于諸之音也。智謂諸者古人語詞猶今之言這言着也。着又轉而爲子。今吳人多曰子是也。

差須猶少待也。選間猶少間也。○淮南屈宜若憂吳起之差須言少時也。呂覽選間食熟古文或用頃之或用俄頃或曰亡何或曰少選或曰少焉或曰未幾或曰已曰旣義皆通用。

孰何問之也。猶曰誰何也。○過秦論陳利兵而誰何音苛苛細

詰問也。漢有大誰卒。師古曰：大誰，王問非常之人，有大誰長黃圖曰：王褒帶劔入北司馬門，至非常室中，乃公車大誰也。集韻或作噍，亦作譙。史記衛綰傳：景帝立歲餘，不譙呵綰。注：譙音誰。呵音何。以譙呵爲怒讓。此言不誰何，但不問之而已。漢書作不孰何。武帝冊曰：孰之復之，應邵以誰何爲掌謹。呵者，後學輒改此書，誰字爲謹，違本文矣。貴與說。

進孰，言進成熟之言也。文孰，言文法孰爛也。○張騫傳：少從進孰，謂以孰言進于天子。乾鑿度曰：自上古及下，帝孫文孰。文孰者，孰成道法也。言世漸增文法，而人孰爛也。董仲舒曰：孰爛如此。古孰从𠂔，專主孰爛。後因誰轉爲孰，故火以別之。五行志以

盛聖而易孰惡。師古曰孰成也。此言文法猶文具文爲之文也。嚴安傳之文刻。嚴延年傳之文致。趙禹傳之文深。周陽由傳之文惡。董仲舒傳之文繫。蕭何之文毋害。張湯之舞文。皆謂法律之文也。若翟方進所云託文。成許后所云文陳。則謂文書文字也。

無慮都凡也。猶云亡論也。○廣雅曰無慮都凡也。趙充國傳亡慮萬二千人。注大計也。與錄同。智按此因慮因爲錄。因而知其音相通也。若亡慮者。蓋言不待計慮而知之。猶言無論也。何必轉錄字乎。如蔦艾使封人慮事。此乃錄事也。而注乃云無慮計功。元美論無慮之慮。音閭非也。

發凡猶汎言大氏也。最凡諸凡之最目也。諸妄言諸凡望此者也。望猶視也。○左傳序發凡以言例。景帝紀凡號石奮萬石君。猶汎言之也。司會注謂簿書契其最凡也。智按如今印契其凡目所最處印之。小宰疏凡要亦是簿書。又曰簿書之最目曰契。劉歆取方言書曰欲得其最目。此明證矣。大氏卽大抵言大約也。漢書李廣傳諸妄校尉以下材能不及中。以軍功侯者數十人。注張晏曰妄猶凡也。卽諸凡。郝京山遂以凡妄爲一。恐未必然。智按妄猶望也。望猶視也。如視二千石之詞。卽假司馬一例也。國策朱英言無妄之人。史記作無望可證。大約或云大要見陳萬年傳。子長用要難。張騫不得要領。其義始于腰領。後則爲

通語矣。要束卽約束。陸贄曰：懷光都不要藉，亦謂約結而藉其力也。

幾所猶幾許也。里所猶里許也。○疏廣傳：問金餘尚有幾所。師古曰：幾所猶言幾許。張良傳：父去里所復還。師古曰：行一里許而還。古許所聲近。如伐木許許。漢人引爲伐木所所可證。

以不猶與否也。○李夫人傳：是邪非邪。師古曰：言所見之狀。定是夫人以否。按古以與之聲相通。詩：不我以。燕禮：君曰：以我安。注猶與也。魏書李順傳：此年行師，當克以否。卽與否。退之：剥啄行。凡今之人，急名以官。注：韓文與多作以。其解樂記之：噍以殺之以爲與，則非矣。猶古詩之：萋已綠也。臨高臺以軒，則尚可以。

與字解之。

將毋得亡。毋乃稱皆發問之聲也。○韓詩外傳客見周公。周公曰。何以道且也。曰。入乎將毋。曰。請入。曰。坐乎將毋。曰。請坐。曰。疾言則翕翕。徐言則不聞。言乎將毋。方言無寫。謂相見有得亡之辭也。莊子。子產曰。子毋乃稱。左氏用以轉語。莊韓用以結句。古人善摹人之聲音神狀如此。阮千里曰。將毋同。本謂得毋乃同乎。猶言能毋同也。葉夢得爲之解曰。本自無同。何因有異。此是東坡所謂設械匿形。推墮澁漾之伎倆耳。

行李。行使也。卽裝任也。○昭十三年曰。諸侯靖兵。好以爲事。行理之命。無日不至。古臯陶爲李。理官也。古李理通用。僖三十年。

燭之武曰行李之往來。注云行李使人也。襄八年。晉責鄭曰。亦不使一个行李。注曰。獨使也。升庵引唐李濟翁資暇錄云。古使字作李。今按李文正作岑。此何據乎。馬永卿懶真子。彭乘墨客揮犀曰。左傳注皆止解行李爲使。而今人以行裝爲行李。則非也。永卿載亳州祁家收孫宣公真書尺有云。行李鼎來。蓋行使也。古李字从山下人。人下子。作岑。後人轉作李。此竝非資暇所說之岑矣。不知本義爲行理。而使人行必有裝。鄭當時之治行。孟子之治任是已。則相沿以行李爲隨行之物。亦何不可。甚矣馬彭之拘也。孟子說解。李與裡。通謂杙之可以擔物者。尋人招帖。一曰零丁。○升菴引齊諧曰。有失兒女零丁。謝承後

漢書戴良有失火零丁猶今之尋人招子也蓋古以紙書之縣于一竿其狀零丁然。

歸始歸終卽令始令終也。○廣川跋曰。夔鼎之銘曰。歸始歸終。跋叔繚鼎銘曰。三代鼎彝有銘多矣。而此曰歸終。古者以歸爲善。其文與令同。此其謂善頌者也。智按書弔由靈。靈善也。古蓋令靈歸竝通。凡令名令聞之令。皆從靈來。以人爲天地之靈。心爲人之靈。故訓爲善。而多借令字。繚音鑾。智又按集古錄龔伯彞銘曰。戾其熙。萬年無疆。歸終歸始。薛尚功釋曰。令終令命。令命卽令名。領聞卽令問。○史記命與名通。禮生子咳而名之。左傳君命太子曰仇。叔孫獲長狄僑如以命宣伯。與名同。史曰。

命世之宏才卽名世。天官書免七命。注辰星謂之免。星有七名。張耳傳亡命。謂脫名籍逃亡也。智又按說文名从口夕。言冥不相見。故以口自名。此說甚曲。朱謀瑋謂鳥以夕而鳴。作𠂔。則尤曲矣。蓋令从△。从巳。命从令。名从命。省作𠂔。本一字而平去二音也。今無重文。故平去聲通用之。命有重文之名。故分用之。又按長笛賦。求偶鳴子。曹植詩。鳴儔嘯匹侶。何承天詩。日夕遊無際。歸禽命同栖。命卽鳴。則鳴且與命通。益足以破朱氏鳥因夕鳴之惑矣。楊子曰。君子純終領聞。郝京山謂卽令聞。詩注令聞。禮注謏聞。皆去聲。故亦用令聞。後漢馬融與高彪書。承服風聞。注謂風猷令聞也。漢書注李奇曰。領禮所聞。故後人曰。領袖聲。

聞也。師古曰：領，令也。然如唐書踵領，謂踵前人而領其事，安知法言非適合者乎？故兩存其說。漢書元朔五年，詳延天下方聞之士，謂大方多聞也。董仲舒傳：講聞高誼，則平去皆可。

貫行，謂一皆遵奉也。○東平憲王蒼傳：光武營建陵地，詔裁令流水而已。孝明大孝無違，奉承貫行，謂一一奉行也。谷永傳曰：以次貫行，固執無違。

標季，猶叔末也。○黨錮傳序：叔末澆訛，王道陵缺。注：猶季世也。太史公用輓近，猶晚近。谷永曰：當陽數之標季，言標末季世也。王莽青戎標末之功，注：標與藁同，藁卽秒也。淮南言律數十二藁，可證。

縣遲猶言思遲縣切也。○趙壹傳昭其縣遲。按肅宗詔思遲直士遲去聲言遲待也。縣遲正謂縣縣遲望之意。徐陵用遲縣謝安與道林書計辰傾遲。

醞藉蘊藉也。潦倒言頽落之態也。○南史云宋武帝舉止行事似劉穆之。此非醞藉潦倒士邪。又北史崔瞻列傳云自太保以後重吏事謂容止醞藉者爲潦倒而瞻終不改。詩飲酒溫克鄭箋云猶能溫藉自持以勝。陸音去聲。禮運溫之至也。注爲溫藉。漢書作醞藉。

傾戲揆廡言傾斜也。○漢樊敏碑立朝正色能無揆廡音傾言其方正或曰揆傾倏季也。或曰言揣度傾斜也。按喪祝勸防注。

引樞也。玄謂勸猶倡帥前引者。防謂執披以備傾戲。賈公彥曰。音虧。使持制之。不至傾虧。然則揆廩當卽傾虧之語。又記此碑有釋者。一作搖廩。俟有書可讀時再考。

騎危登極。騎衡言其危也。○魏世家曰。范痤上屋騎危。而上書信陵以免死。莊子夫妻登極者。蕭思話好騎屋棟打細腰鼓。史記袁晁傳。騎衡。注衡樓邊欄楯也。大氏橫者謂之衡。謂之登極亦可。總言危道如垂堂之意也。

空外猶單外也。○何竝傳造王林卿曰。家間單外。後漢書張禹傳。請鄧太后還宮。以爲久處單外。杜詩用盡閨中力。君聽空外音。空字去聲。

暴挫鋸項推減。蛟鰲狀酷吏之猜禍刻治也。○酷吏論曰：馮當暴挫彌僕鋸項，駱壁推減殷周，蛟鰲暴挫，言暴虐以挫人。鋸項如鋸之刻挫，如鉤譎也。推減能故深文以出入罪也。蛟鰲狀之而已。猶鷹擊乳虎，毛鷲爲治也。袁盎傳：絲欲刻治，言以刻深治，辨也。王溫舒傳：請召猜禍吏，應邵曰：言善猜疑作禍害者用之。史記作徙，諸名禍猾吏，言吏之以禍猾名者。薛宣傳：使掾平鑄令，如淳曰：平鑄激切，使自知過也。古人亦隨意造字如此，何責退之輩邪？

媒蜴。言媒孽而蜴蠱也。○宋公稱過庭錄曰：景文記程元振惡李光弼，言媒蜴以疑之。春秋傳云：雖蜴譖焉，避之者。蜴音曷，木

蠹也。言譖由中出如蠹。殆合媒孽與此而用之。今按唐書宦官列傳。又云如媒而成。如蠹之蠹。合用何疑。宋所引春秋乃國語也。

濫耳。濫口。皆謂濫說也。○史記鄒衍傳。始也。噤耳。戰國策橫人濫口利機。淮南曰。不噤于辨。相如虛詞濫說。噤卽謂濫也。說文引論語。窮斯濫矣。噤濫噤可通。

啜汁。猶拾潘也。○哀三年。富父槐曰。無備而官辦者。猶拾潘也。注潘。汁也。尺審反。智按。魏世家。欲啜汁者衆。注。冀功勲也。與此互證。潘卽汁也。沈約。播酒有音。汁者。斟審甚。汁同聲。故古人借之。禮記。潘字。本泝也。或疑潘之訛。而莊子之審爲淵。則蟠字。潘

當音翻姑存俟證。

苛廉猶刻廉也。荷禮苛禮也。苛問呵問也。○國策楚之史舉以苛蕪聞于世。漢朱建傳刻蕪紱直苛刻一意。苛小艸也。呼戈切。借爲苛細煩刻之意。酈食其傳握齷好荷禮。卽苛禮。王莽傳掖門僕射苛問。卽呵問也。苛荷呵通聲。今人讀爲谿母。又一變矣。古文奇字。𠂔苛荷皆从呵止爲義。苛乃借用。

偏宕謂偏奇跌宕也。○孔融傳發辭偏宕。南史蕭惠開偏奇相尚。鄒陽曰。係俗牽世。繫偏奇之浮辭哉。宕與蕩邊盪通。而說文分之。跌宕作跌踢。相盪用相濠。蕩止爲蕩陰。水名。上聲宕。洞深也。顏瑯琊子急就序。人用已私。流宕忘返。卽流蕩。顏最明字學。

者。正以从水从𠂔。其借同也。

諸際。謂諸合交際也。○唐書房琯傳。與呂向隱陸渾十年。不諸際人事。此字曾見六朝人用之。莊子貴際。注貴交際也。按說文際。壁會也。𡿨。際見之白也。隙。壁際空也。則壁相交會之名。故借用之。

拆呼。猶罅漏也。○韓文補苴罅漏。卽罅字。說文罅。裂也。燒缶善裂。罅作罅。箋曰。一字纏文。張位特定罅漏音夏。乃因說文之呼訝切。與陸德明之讀也。爾雅翯醜罅。注謂蟬屬。剖拆母背以爲孔罅而生。鄭漁仲曰。蛙蟲有角甲者。齧系類罅。張拆也。此蟲之僻。在乎張角拆甲。此解是矣。鄭康成注易甲拆曰。拆呼也。正以

呼爲罇。古家麻韻多歸魚模。漢去古未遠，猶有此聲。爾雅注孔罇之語，廣韻取之。陸德明以當時方言定其讀，不知古人从虜甚明。如純嘏本音古，與魯許字叶。今張焦李朱之字說刊誤，反以讀假爲正，讀古者爲非，竟忘其本，皆此類也。嗟乎！聲音之道，變極反本，何苦止守晉唐之泥格，而強自然之原乎？諸公亦以讀書不深，有所不知耳。

望衍，望而延之也。招弭，猶招救也。○男巫望衍授號，冬堂贈，春招弭，以除疾病。注子春曰：衍，祭也。玄曰：有牲粢盛者，延進也。弭，讀爲救。招，招福也。救，言安凶禍也。子春堂贈爲堂贈，蓋贈猶送上言贈惡夢，猶送惡夢也。訓雋曰：望而延之爲是，何必指牲粢

乎。今謂弭止也。止猶安也。敎寧本謂弭寧。

邦汭言激亂者。○司寇士師八成。一曰邦汭。注謂斟酌。司農曰斟酌盜取國家密事。若今時刺探尚書事。䟽言斟酌私知。此非也。訓雋曰夫盜賊而有斟酌量度之心。豈爲亂乎。說文汭激水聲。邦汭者。奸民乘上之隙。而激衆以倡亂如水之激而逆行也。厥陳厥典。厥塞厥藏。皆隨文立訓者也。○大喪厥五兵。司農曰故書作淫。讀作厥。釋曰先鄭一部之內。厥皆從淫。則厥爲漢字。先鄭所換也。訓陳鄭氏訓興。因爾雅也。又因圉人厥陳竝列。故主與義。訓雋主厥藏之說。唐崔祐甫獨孤及墓銘。厥衣楚挽。徘徊墓田。李華權文公墓銘。厥隧納書。禮優職衰。宋祁真宗挽歌。

廠。婁浮晨旭。皆謂廠藏。智按韻補引唐滄州無埭渠。久廠塞。薛大鼎浚之。此因考工善防者水淫之。司農曰淫爲廠。水淤泥土畱著助之爲厚。鄭氏不從。而宋祁復用此作廠塞。蓋欽巖有藏義。从山从广可通。而謂爲陳爲興。則借其音耳。說文廠許音切。集韻欽或作廠。可推。

屈竿。委曲也。迤狹卽窄狹。○和洽傳。魏武令曰。高祖每在屈竿。蕭曹恭順。此言受委曲也。古無窄字。竿卽窄也。今人以處約不如意爲受委曲。唐宋間文以官家所商議爲委曲。于文定云亦稱從容。張飛傳山道迤狹。卽窄狹。後漢樊毅華岳碑。言十月齋祀西嶽。以傳窄狹。廟舍舊久。牆屋傾亞。則漢已有窄字。傳傳舍。

也。

推築。旁推覺之也。○今人有用推築。其義若下石者。誤也。按三國志。顏裴傳。帝召軍市吏于裴前。杖一百。時典農私推築裴謝。裴白。宣王曰。典農竊見推築。假令裴謝。是更爲不得明公意也。推音他回切。蓋從旁推築。令覺也。其曰築殺者。則用手擊人也。功篆珎。故亦作筆築。

關戾。機捩也。○杜陽雜編。言新羅獻萬佛山。擊鍾則行道之僧。禮首至地。蓋關戾在鍾也。智按。羅隱妖亂志。言張守一刻木鶴。中設機捩。詞隱曰。曲有偷吹待拍。有務頭顛落種種。關捩子。優家有戾家把戲。燈錄。黃檗謂牛頭。尚不知向上關捩子。蓋一義。

也。揅，本力霽切。琵琶之撥曰揅。又木名，善破血。又音列，爲關揅之義。古通用戾揅，後分用揅。从手，玉篇始收揅字，曰拘揅也。在屑韻。然今唐韻十六屑中，亦收戾字，則古戾亦有列音。十二霽亦收揅字。解曰：琵琶撥則揅，亦有麗音矣。古列戾聲通。如祭法厲山氏，卽烈山氏。鄭氏讀留栗爲裂。厲禁爲迺禁。深則厲爲列。石渡水是也。唐人所爲揅暈，則專音列。蘇鶚曰：大中末，小兒疊布蘸水，向日張之，謂之揅暈。物異考作拔暈。

澁河，因於范河活沙。○存中曰：越人謂淖沙爲范河。北人謂之活沙。予過无定河，度活沙百步外，人馬湏湏然一陷，則馳車俱沒。此卽流沙也。澁字書亦作埜。蒲濫反。術書澁河取此。按今祿

後一辰曰湓河。蓋謂陷運。唐六典亦載湓河之目。但湓字無蒲濫反。乃唐人造湓字耳。程泰之作陷河。

三命。謂受命。遭命。隨命之三科也。○祭法七祠曰司命。注司命。主督察三命。孔穎達曰。援神契云。命有三科。有受命以保慶。謂年壽也。有遭命以謫暴。謂行善遇凶也。有隨命以督行。謂隨其善惡而報之。

𡵚危。壁危也。𡵚也。康也。簷也。皆一聲也。○魏志和洽傳。𡵚危。注松之案。文紀曰。𡵚于灰亡。食貨志。𡵚危。若是。注曰。𡵚音鹽。如屋簷近邊。易墮之意也。堂廉句廉。亦謂邊稜。𡵚簷廉一聲。而義亦因之。智按。亦可去聲。馬援傳。𡵚𡵚墮水中。亦當音占去聲。或音

帖乃當時注者之方言也。楚辭貼余身而危歟。亦有讀戰者。生達有條達之義。故轉爲挑達。一作妥達。作事順利。謂之遂達。汰過輕忽。謂之休健。忽遽謂之忽達。相勉謂之爭達。○生民毛傳曰。達。生也。驛驛其達。正義。苗達。生也。京山曰。條達也。其音與挑達相轉。青衿箋。挑達。往來相見貌。說文引妥。今達。今漸子引許端夫曰。遂達。易也。休健。言汰過輕忽也。忽達。言矜忙也。余一時未有所證。忽閱方言而知之。方言曰。忽達。忙也。又曰。茫矜。奄遽也。吳揚曰。茫。智乃知古無忙字。故用茫。茫然亦作茫然。故茫矜。又用茫字。郭言草杪。茫。矜出。此其本義耳。人忙則有忽達之狀。遂達之語。見康成長發箋。能以德自遂達於天是也。孫愐曰。

休健。又曰汰過。乃是滑汰意。韻會亦作健達。此因挑達生輕易之意也。智又按漢人有爭達之語。爭去聲。謂強自爭立發達也。沈汝納。胡孝轅。所刻漢雜事。太后謂帝曰。吾入宮後。知有幼妹。中外隔濶。目所未見。不謂爭達如爾。此書出於王子充諸韻書。皆未考出。故載於此。

頓慙。猶頓悶也。氏惆。猶怵慙也。○方言。侃慙。頓慙。憊也。江湘謂之頓慙。或謂之氏惆。郭音丁弟丁牢反。頓慙。頓悶也。智按周本琬字。轉爲周。說文怵慙。不憂事也。正讀氏琬平聲。又曰祗裯短衣。裯音都牢切。郭亦曰祗裯弊衣。可見氏惆之音。乃漢晉之常語。

終古終今。終之爲言常也。○詩振古如茲。毛曰振自也。鄭以爲古古如此。因爾雅曰振古也。智以此有脫簡。若訓振爲古。則複矣。考工記注齊人言終古。猶言常也。楚詞曰吾焉能忍而與此終古。南粵傳文帝賜佗書。願與王分棄前患。終今以來。通使如故。師古曰從今通使。至於終久。智以終古。猶終身終世之例。古人有意多字少。卽簡促言之。終今者。猶言自今以往。常如此也。振卽常也。聲亦相轉。

詐諛。懷諛。皆言虛謾也。暖妹。則言其柔悅也。○藝文志上詐諛而弃其信。師丹傳懷諛迷國。師古諛詐也。此據說文。智謂諛从虛聲旁轉。遂有虛泡之意。故曰詐曰忘。諛艸言忘憂也。因作萱。

終不可諉。因作誼。或作愜。實一字相生也。莊子暖暖姝姝之狀。
崔烈傳。反不知姝邪。姝姝猶好好也。

